



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

GENERAL LIBRARY
OF
University of Michigan

Presented by

Pres. J. B. Angell

Nov. 1900

838
M97a
v9

President James B. Angell
in ganz besonder Hochachtung
J. Herzog.

Madison, Wis.
April 1898.

Flugschriften aus der Reformationszeit. XIII.

Thomas Murner

**An den grossmächtigsten und durchlauchtigsten
Adel deutscher Nation.**

1520.

Herausgegeben

von

Ernst Voss.

Halle a. S.

Max Niemeyer.

1899.

**Neudrucke deutscher Litteraturwerke des XVI. und XVII. Jahrhunderts,
No. 153.**

Einleitung.

Thomas Murners satirisch-didaktische Dichtungen liegen uns heute mit einer einzigen Ausnahme (Von den 4 Ketzern) in guten kritischen Ausgaben vor, die auch denjenigen zu-frieden stellen werden, welcher sein Augenmerk in erster Linie auf die Sprache des streitbaren Mönches richtet.

Von Murners grösseren Prosaschriften, die wohl imstande wären, sein Bild, wie es uns in den Litteraturgeschichten und Monographien begegnet, bedeutend zu seinen Gunsten zu modifizieren, ist bis dahin nichts neu gedruckt worden. Der vorliegende Neudruck will diesem Mangel abhelfen, und nach Aufnahme in diese Sammlung dürfte er einer Entschuldigung nicht bedürfen.

Murners Schrift „An den Groszmechtigsten vnd Durch-lüchtigsten Adel tütscher nation“ ist die unmittelbare Antwort auf Luthers „An den Christlichen Adel deutscher Nation“ (Neudruck No. 4, hg. v. W. Braune, 2. Aufl. 1897) und erschien wie diese im Jahre 1520. Sie wurde gedruckt von Johannes Grieninge in Strassburg. Goedeke's Grundriss² II, 218 ver-zeichnet von dieser Schrift Murners nur ein Exemplar, das-jenige der Berliner Königl. Bibliothek (Cn. 4702). Nach-getragen sollten 2 Exemplare werden, von denen sich das eine auf der Hamburger Stadtbibliothek (O. A. IX. No. 2192 n.), das andere im British Museum, London (3906. h. 67.) befindet. Beide Exemplare decken sich vollständig mit dem Berliner Exemplar, welches diesem Neudruck zu Grunde gelegt wurde. Dasselbe enthält 10 Bogen in 4^o, mit den Signaturen A—K.

In dem Neudruck sind die Abkürzungen des Originals aufgelöst, durchweg im Anschluss an die von Braune in seiner zweiten Ausgabe von Luthers Schrift „An den Adel“ befolgten Grundsätze. Im übrigen bin ich dem Originaldruck genau gefolgt. Das Titelblatt, sowie die erste Seite des Originaldruckes sind diesem Neudruck in photographisch ge-treuer Nachbildung, allerdings auf $\frac{1}{4}$ der natürlichen Grösse reduziert, beigegeben. Für die Besorgung der photographischen

Nachbildungen, nach welchen für den Druck Zinkätzungen angefertigt wurden, bin ich meinem Freunde, Herrn Dr. Hans Müller in Hamburg, verpflichtet, welcher auch eine Korrektur des ersten Bogens zu lesen die Güte hatte. Die Seitenüberschriften des Originaldruckes schwanken. Sie erscheinen entweder als Von dem teutſchen adel (so auf Seite A₂, A₃^b, A₄; B₁, B₂^b, ganz durch D, F u. H, sowie auf K₁^b, K₂, K₃^b, K₄) oder als Von dem tütſchen adel (A₂^b, A₃, A₄^b; B₁^b, B₂, B₃^b, B₄, ganz durch C, E, G und auf Seite K₁, K₂^b, K₃). Auf Anraten des Herausgebers dieser Sammlung sind sie wegen ihrer schwankenden Form in dem Neudruck ganz weggelassen worden.

Die folgenden Druckfehler des Originals¹⁾ habe ich verbessert: 3₂₈ ewangelauß, 4₂₂ veranewurten, 4₂₅ billichet, 6₂₈ betrachtung, 6₃₈ unwarhafftige, 7₁₀ behilffleich, 8₁₇ hettetst, 9₈ garaten, 10₈ A₃] B₃, 10₂₀ götſchen, 11₃₅ dein, 18₂ vñ] vnß, 18₂₄ gefangen, 20₂₅ wñd, 21₃₃ den, 21₃₈ beſchirmung, 22₁₅ peeſonen, 24₁₉ ſeit] ſein, 24₂₄ verluhen, 25₃₂ ſoft] ſolt, 26₁₃ frrafft, 28₂ daß daß] daß, 28₁₀ ieren] irren, 29₉ ſündent] ſündet, 29₁₀ vñn] vñd, 30₂ chriſtenleit, 30₃₁ betreffen, 30₃₄ anuerbotten, 31₁₀ erwecker, 31₁₁ ſcheitworten, 32₄ ſchreiber, 32₂₃ oferlich, 32₂₇ dieſaltſeit, 34₁₅ gehoſſen] geholſſen, 34₁₆ verſper, 34₃₁ gemeinenen, 35₃₄ Bapliche, 36₁₀ geſchriſt, 37₁₅ eintchriſt, 39₁₂ ſteren] ſteten, 39₂₈ thün] thün, 39₃₉ biſchöſſ, 40₄ zwiſchten, 41_{25/28} berteriben, 41₃₂ euanglio, 42₁₅ bapffer, 47₁₅ abgötereten, 48₃₉ gñſſer, 50₂₇ tugendenben, 52₁₀ ich ch daß v] ich vch daß, 53₄ iüngſtan, 55₂₉ gluuben] glauben. 57₁₄ erörffnen.

In dem Neudruck bitte ich zu verbessern: 4₅ familiariter] familiaritet, 7₂₉ in] in, 11₂₈ der] weder, 26₃₂ bapſt] bapſtß, 27₂ Peter] Petro, 28₂₂ würdenwie]. wurden wie, 28₂₃ er] der, 34₃₀ ihrer] irer, 38₂₀ zu] zu, 50₁₄ Reijer] Reijer, 55₈ alß] alß.

Ich beabsichtige, dieser Prosaschrift Murners, vielleicht seiner bedeutendsten, die übrigen aus dem grossen Jahre 1520 bald folgen zu lassen, zunächst seine Schrift: Von dem babstenthum, das ist von der höchsten oberkeyt Christlichs gläuben wyder doctor Martinum Luther. Strassburg 1520.

Madison, Wis.

U. S. A.

Ernst Voss.

¹⁾ Die Citate nach Seiten- und Zeilenzahlen des Neudrucks.

An den Groß-
mechtigsten vnd
Durchlüchtigsten adel tüt-
scher nation das sye den
christlichen glauben be-
schirmen, wyder den
zerstörer des glaubens
christi, Martinum
luther einen verfe-
rer der einfel-
tigen christen.

[A₂] Dem allerdurchlütigsten Großmechtigsten fürsten, vnd herren, herrn Karolo erweltem römischen keiser, Hispanischer vnd. zc. maiestadt. zc.

Durchlütiger großmechtiger fürst vnd her, Es ist von vrsprung des römischen reichs, des du iez durch gots fürsichtigkeit ein fridsamer kaiser, vnd gebieter erwelet vnd gesalbet bist, solches dein reich von offentlichen finden nie schädlicher angefochten worden, dan iez zu disen zeiten. Syttenmal daz Catilina (ich mein doctor Martinum luther) ist von den todten erwecket wider zu menschlichem leben kummen, vnd dar die aller ebliften gemiet deins reichs zu burgerlichen vffrüren vnd nidergang ires eignen vatterlands erwecken, den vatter wyder seine kind, brüder gegen brüderen, vnderthonen zu gegen irer oberkeit, alle ding der massen zu verwicklen vnd vermischen, das weder papst, keiser, künig, bischoff, bader, oder fűwhirt nit mer sollent vnderscheidet werden, ein vngewone sach allenthalben, wo gute sitten, berden, zucht, ere, ordenung, friid, fröb, vnd müt, auch alles wol-faren sollent geiebet vnd gehalten werden. Vnd vff daz solches best schädlicher vnderstanden werd, würt vnser christlicher glaub für ein deckmantel fürgewendet, als ob sich solche vffrür, ernüerung, vnd verendrung, in krafft christlichs glaubens gebüren welle zu thun vnd vnderston, da- [A₂^b] durch auch göttlich gebot erfüllet, recht, vnd in keinen weg gesündet sei, sunder des fűg glimpff vnd eere haben vű gebot erlaubniű vnd nachlassung christlicher lere vnd des heiligen ewangeliums, also listig habent sie das göttlich gesaű in behilff ires bösen vnd vffrierigen für-nemmen, können an sich ziehen vnd vff iren nutz ver-fieren, wie der böű tüffel in ein engel des liechts, vnd die vnwarheit in schin der warheit transformieret, vnd verstatet, do mit den nideruerstendigen in ire hilff zu verferien. Das sie auch des nit on gewalt durch zůtruden vergebens vnderstanden, dem durchlütigsten adel deűtscher nation ein solchs specklin vff die fallen gebunden, vnd das helmclin vnder der nasen gezogen sie reisig zu machen, vnd inen beistendig zu sein, mit dem gekriűlet zu erwecken, wie

der römisch hoff mit gelt beschwerden daz deütsch land erschöpfte, vnnb vnser vermügen der massen vffüge mit annaten, vj. monnaten pfründen zu verleihen, mit andren listen die pfründen an sich zu ziehen in krafft des bots eines der vff dem weg gen Rom stürbe, oder der familiariter, vnd deütsche Cardinel zu machen, vnzelich güt von dem palium zu nemmen, vnd für die bestetigung der Bischöff, auch coadiutores zu machen, reich aptien in commendan zu beuelhen, vnleibliche pfründen leiblich zu machen, zu incorporieren vnd vereinigen, administratores zu setzen, Reseruata vor zübehalten, Pectoralem reseruacionem zu erdichten, mit pfründen kauffen, verkauffen, wechseln, tauschen, rauschen, mit liegen, triegen, rauben, stelen, brachten, hüreren, hüberen, allerley weiß gots verachtung, mit manch-[U₃]erlei schinderey, ablaß zugeben, selen vß dem seg feist zu verkauffen, ablaß brieffen, dispensieren, butterbrieffen Confessional. 2c. Vnd filen dergleichen so hoch angeklaget würt in einem büch der deütsch adel genennet, würt deiner Keiserlichen, Hispanischen vnd 2c. maiestadt, in aller demietigkeit zu verstanden geben, daz wir solche fürgewante mißbruch vnd vndadten, wo im also were nit vnderstonb zu verantwurten, dan wir des kein beuelhe haben noch bericht von bespßlicher heilikeit, in eincherley weg zu verdbretten oder zu beschönen, dan wir wol ermessen kinnen vnd verston, daz sich niemans billicher beclage, dan der da leidet vnd beschweret ist, Aber daz klagent wir deiner durchluchtigsten genaden maiestat vnd christlichem herzen, mit sampt den durchluchtigsten Churfürsten, fürsten vnd herrnn geistlich oder weltlichß stats, das solche beschwerden der deütschen nation durch Martinum Luther ein warhafftigen Cathelinam vnd on zweiffal ein zornigen vnbesintten man, mit solchen vngeschickten, vnchristlichen vnd vnwarhafftigen mittlen fürgeschlagen werden, das niemans zwifflan mag, er nem solche beschwerden des römischen mißbruchs, fur ein behülff, vnd ein spedlin vff die fallen vnd zu einem bedmantel, vnseren christlichen glauben vmb zu lören, sieglicly sein giffit vß zügießen vnd huffisch, widlöffische botschafften zu verkünden, mit den böhemem, moscouiteren zu vereinigen, ein hantfoll leüt vff daz er

vnß von aller andren crißtenheit die on zal ist, abßündre,
 lerne ein künigreich zû einigen, vnd ein kaiserthum zû ver-
 lieren, ein vnßiniger mensch der papst [A₃^b], kaiser, bischoff,
 vnder, ober, sampt der ganzen karten, der massen stot zû
 vermischen, das kein erwürdigs angesicht eincherlei ordnung
 in christlichem glauben erfunden werd so doch vß kriegs-
 leüssen erfahren ist, daz nidergang der ordnung ein sal seh
 ernstliches fürnemmens. Darumb deiner durchluchtigen
 maiestat, demietig fürgewendet würt, mit sampt allem
 deinen durchluchtigen adel, christliche augen vff vnseren
 glauben zû werffen, in dem wir verhoffen selig zû werden,
 behilffliche hend an zû schlagen, vnser götlich vnd vätterlich
 gesatz durch Cristum Jesum vnseren herren zû beschirmen,
 vnd denen bösen radtgeben, in solchem nit wilfürn, vnd
 in allen andren darin christlicher gelauben möchte geleyet
 werden. Erstlich gebiete daz sich diser Chatelina mit sampt
 seinem anhang, massen vnwarhafftige irrungen zû erwecken
 den glauben in christlicher krafft lassen rüwen vnd beleiben,
 ein zimliche bit mit beiden oren von einem christlichen
 Kaiser zû erhören, vnd so sie daz nit wellent gethon haben,
 sunder christlich geredt, vnd solche nütze funnd vnd er-
 nützerung billichen erwedet, solches durch dein grosse macht
 zû rechtfertigung für den gelörstten des glaubens kumb,
 vnd zû verhör vnd vßspruch, allein mitler zeit dißsen vff-
 rierigen nit gebüre hanß karsten vnd die vnuerstendig
 gemein so bald zû bösem als gutem anzüzünden, vnd in
 schellige flammen zû bewegen, vnpartheische richter zû setzen,
 welche zû erwelen, niemans billicher dan dir zû ston wil
 in tur vßzûsprechen vnd zû verordnen, mit nammen, so
 dise vffrierigen, süne des vnfridens yederman argkwenig
 erachten, vnd in mißtruwen allen [A₄] winde fürchtent von
 einem vff daz ander appellieren biß vff das iungste gericht,
 daz sie mitler zeit, mit verhengktem zoum vnseren glauben
 mit irem gifft vnder dem honig verkaufft durchrennen vnd
 zertrennen mögen. Welche christliche bit vnd billiche hoffnung
 in dich einen christgleübigen, menschlichen, vnd angeborner
 art gütigen fürsten vß östereich, so du zû herzen ver-
 fasset, vnseren glauben deine vnd vnser alle seligkeit be-
 schützen würdest vnd beschirmen, da mit deines anherren

Maximiliani vnserß on sein gewonliche titel, lieben, fründlichen vnd vetterlichen künig art, ader vnd gemiet nachfolgent erfüllest, in die füßstapffen deiner frummen elter vnd vorsearen drittest, Ich geschweig gottes gebot daran diegest, dir in das ewig leben erschüßlich vnd zu dem ewigen keiserthum dienent.

Seint darnach zu dem andren (so christlicher glaub (als vnser augapffel) vngelehet belibet, etliche beschwerden, bürden, vnd vnleibliche tirannei der deütschen nation zu nidergang vnd verderbniß erdichtet, das sei von wem es wel vff erben gefreuelet vnd vnderstanden, wel dein Keiserliche maiestat vnd genad, mitsampt den durchluchtigen Churfürsten nach gelegenheit der sachen zu hilff kummen, trost, stür, vnd hilff beweisen, von wegen der erschöpfften hoffnung zu deiner fürsichtigkeit empfangen.

Vnd zu dem dritten doctor Martinus sachen, seine spen, zend, vnd häder, erstlich von der sachen des glaubens absünden. Zu dem andren auch von dem fürnehmen vnd anlagen der hepstlichen mißbrüch, das also die sachen vnseren glauben betreffen, von gesetzten [A.^b] richteren von deiner gnaden ein richterlichen vßspruch vor allen dingen erlange.

Darnach zu dem andren, in den sachen der mißbrüch durch deine fürsichtigkeit mit sampt den durchluchtigsten Churfürsten erkennet werd. Vnd zu dem leßten doctor Martinus zend vnd häder auch richterlich lüt klag vnd antwurt hingelegt werden, nach deiner genaden gelegenheit, erkentniß vnd betrachtung, ob solches durch ein Concilium, oder sunst in andre weg, mieg, größeren kosten vnd schaden zu vermeiden geschehen mög, vnd vff daz geschicklichst vnderstanden werde. Vß welcher vnser christlichen vnd demietigen bit dein Keiserlich genad erachten mag vnd erkennen, das wir als geborne deütschen auch kein gefallen daran haben, wo vnser vätterlant der massen solt vnbillich erschöpffet werden, es wer doch von wem es woll, allein daz zu herzen fassen, was recht sei zu thun, rechtlich geschehe, on solche vffruren, lezung vnserß glaubens, vnwarhafftige reden, sunder durch geschickte mittel durch deine fürsichtigkeit solche sachen ermessen werden. Dan seittenmal

der mererteil obgenanter mißbruch vnd beschwerden allein die pfaffheit betreffen, ire mentel bezalung, befestigung der bißhöff, verordnung der pfründen, coadiutorien, abbatien, commenden wie nach der leng vnlangß erzelet ist, wellent die hochuerstendigen ie vermeinen, es welle dir alß einem weltlichen keiser, billicher gebüren, erstlich vnd vor allen dingen die sachen das gemein reich betreffen, stett land vnd leitt zû besetzen, in Friden vnd fürsichtiger ordenung, dan gleich anesenglich [B₁.] alß ob du allein der pfaffen keiser erboren vnd gesalbet inen behilfflich (vnd silicht mit des ganzen reichs kosten) vffzwischen soltest, das sie ire mentel best wolfeiler kaufften, vnd ire pfründen leidlicher mit einander beileten, wil hie erachtet werden, das solches noch wol kumpt, wen daz korn zeitig würt, geben wir deiner keiserlichen genaden vnnd fürsichtigkeit alles zû ermessen. Allein wie vor vnserer demietige bit ist, vnserer christliche warheit vnd gelauben zû beschirmen vnd beschützen, vnd vngeleget zû verhieten.

Seint darnach andre hendel vnseren glauben nit betreffen, alß daz zû sil münch vnd pfaffen seient, vnd das ir stat der christenheit nit not noch erschüßlich sey, vnd daz man etlich kirchen vnd klöster zerstöre, vnd sil andre der gleichen, geschehe darin nach erkentniß deiner gnaden fürsichtigkeit vnd gemeiner christenheit, dan wir ie kein andre meinung in disem biechlin für vns haben, dan vnseren christlichen glauben zû verfechten vnd niemans seiner mißbrüch zû verantwurten. Das wir aber weder Martino luther noch iemans anders mit der vnwarheit nichts begeren zû zûlegen, wellent wir iu disem biechlin seine irrung deiner keiserlichen genaden entdecken, vnd darüber antwort allein geben, dan wider in zû arguieren habent wir vns in andre biechlin vorbehalten, vff daz in solcher reb vnd widerred dein keiserliche genad dazwarhafftigt mög ermessen vnd vßsprechen, welche deine genad bitten wir got daz er sie vnß lang in Friden vnd freiden verleihe. 2c.

[B₁^b]

Ein vorred zů Doctor
Martino luther

Es solte sich dein billich (Martine luther) gemeine Christenheit erfreuwen als̄ eins besunderen geleerten mans, wo du deine kunst vnd durchluchtige vernunft, nit brüchtest zů nidergang deines vatterlants, vnd zerstörung vnser̄s glaubens vnd vetterlichen gesages, auch mit dem schwert der geschrifften lechtest dich so bald als̄ iemans anders. Darum, wir für solches ere erbieten, so wir dir deiner vernunft halb pflichtig weren zů beweisen, vns leider gegen dir als̄ einem abgesagten findt erwerben müssen, vnd briederlichen lentlichen gunst, in ein ungunst verendren, wider vnser̄s herzen willen, dan wir ie lieber dein lob, ere, vnd briß, als̄ eins gebornen beütschen vnd geschickten mans sehen vnd fürdren wolten, dan dein schand, wo du nit also mit ungeweschnen henden in dein vnd vnseren christlichen glauben gegriffen hettest, vns verursacht zů beschützung der warheit, keiser, künig, fürsten, vnd herren wider dich an zů rieffen, so du dich nit schammest vnseren frummen Keiser vnnb allen durchluchtigen beütschen Adel an zů rieffen, zů beschirmung deines vnwarhafftigen, vffrierigen, unsinnigen, vnd freuellschelligen fürnemmens, hettest sie wol zů größeren eren gesparet, dan daz sie dir hilffen, deine vchristliche lügen zů bestetigen, vnd dein vnuernünfftigs vnerlichs vnderston durch zů drucken, dich selb zů einem ratgeben gemacht, wider [B.] den alten spruch, so du von niemans darzů erbitten biß, vnserem iungen frummen blüt vß östereich vnd angonden Keyser, schellig, gleich angonds vnd in anefang seines reichs geraden dem papst zwo kronen zů zuden, er hab noch mit der dritten genüg vnd nur zů fil. alle Cardinel ab zů thün, es sei gnüg mit xij. kirchen, klöster zů zerstörung. alles geistlich recht ab zů thün, vnd ein radten hauffen daruß zů machen, daz kind mit dem bad vßzüschnitten, küw mit dem kalb zů mehgen, ein warmen anschlag, freilich in der batstuben geschehen, daz er also hitzig vßhin geng, mit dem iungen adel künig Roboam in anefang seines reichs geraten ein vol streng lauffent

wasser vnd den ganzen Rein geweltig eins maß zu wider-
 treiben sich, mörb, haw, schlag, oben vß vnd nienent
 an, nicht dan ein schelligen, vnfürchtigen kopff erzeiget,
 dem billich niemans volgen sol, er welle dan land vnd
 leüt verderben, also daz ich festeglich gelaub, hettestu der
 östereichschen fürsten angeborne art gewiß vnd erkennet,
 du würdest vnserem friedsamen blüt vß Österreich solcher
 vßfrüren nit geraten haben, dan sie zu blütbergieffen nie
 neigung hetten, es mieste dan sein wyder iren willen, vnd
 solches wiltu als ein hoffnar, vnd in narren weiß gethon
 haben, iuffs beding von einem geistlichen man in solchen
 sachen die leichtfertigen wörter zu treiben, vermeinst wo
 du sil verwirrens, vnwarheiten, schmachbeweissung vß ge-
 gossen habest, als dan hettestu iederman die schellen an-
 knipffet, vnd wie Erasmus Roterdam . der auch in der
 gestalt eins narren die warheit redte dan daz es dir nit
 so wol als im angestanden ist, darumb dir als einem narren
 wie Salomon [B₂^b] spricht sol billich nach deiner narrheit
 geantwurt werden, vff daz du dich nit für einen weisen achtest,
 dan deine gewonliche tittel als einen doctor vnd geistlichen
 man, hettent wir dir billich geben, wo du dich nit in einen
 narren transformieret hettest, Darumb vns gebüren wil
 dem narren seinen kolben zu zeügen, dan dir in warheit,
 solche narren weiß ie vbel an stot, daß du Julium den
 bapst ein blütjuffer nennest, vnd den iezigen bapst mit
 den seinen ein dieb, ein lecher, hüben, vnd deren gleichen
 schmecheliche wörter, vnd hippenbiebsche, dan wa du ie
 etwas wider in vermeintest zu haben, wer dir eerlicher,
 geistlicher, züchtiger, vnd frümlicher angestanden, yn mit
 seinem gewonlichen nammen zu melden, vnd deine klag
 wider yn mit christlicher messigkeit für zutragen, an ort
 vnd end da solches möcht gebesseret werden, vnd dir
 geholffen. Wilt vnseren iungen vnd angonden Reiser
 vnd regierer vfferwedden, wie du sagst wider die fürsten
 der hellen, vnd nennest daz ein spil, welches so es
 nit mit gottes forcht angefangen würd die ganze welt
 in dem blüt schweben solt, du wilt vns ie zu einer
 grossen vßfrüren bewegen, ich sihe aber niemans der
 deinem sturm zulaufft, spieß oder hellenparten zude, oder

so du vnfininig bist der mit dir wol schellig werden, Als freilich die wol wissen, daz alles so du fürwendest zů reformieren vnd besseren on alle vffrür, mit der zeit vnd mit güter müssen durch fürsichtigkeit vnser̃s eblen Reisers vnd vnserer Churfürsten mag gebesseret werden, vnd in ein leidliche form vnd gestalt verordenet.

Darumb wir es genzlich dar für haben, das du den [B₃] obgenanten fürsten vnd herren ein klein gefallen beweisest das du also die gemein vnderstoß, mit filen beütschen biechlin zů erheben vnd vffrürig zů machen, vnd doch wol wissen soltest, wo sie zůsammen lieffen, als bald inen selber etwaz fürnemmen dörfsten vnderston, als bald, sie dir folgten, damit dich mit kurzen worten wil ermanet vnd gewarnet haben wider die keiserlichen verbot die sachen vnser̃s glaubens vor den vnuerstendigen nit zů disputieren vnd in ein zweifal zů berieffen, wellent wir alle an dem karren schalten das dir dein so manigfeltig missedabten vnd schmach beweisen genebig verzeigen werd, dich verendrest in christlichere messigkeit, vnd mit vns in got den herren in riwigem herzen loben mögest Amen.

Das der weltlich stat die geistlichen richterlich, weder zů straffen noch zů vrteilen hatt.

Ales so du bißhar vnderstanden vnd fürgenummen hast, dem würt gelaup̃t in rüm vnd versierung deiner wörter daz du dich alweg̃en so hoffertig pflegst der götlichen geschriff̃t zů riemen, als du an filen orten, vnwarhafftig sprichst, das sag dein ewangelium, dein christus, dein bibel, dein Paulus, das aber menglich mög erkennen das du in keiner geschriff̃ten gefundieret bist, sunder fil irriger, vnd schweziger, vnd einem christen vnd geistlichen man hoffertiger reden die vnuerstendigen allein verblendest, wil ich ansehen in dem nammen des herren [B₃^b] dir zů antworten vnd nit zů arguieren, dan wir vnß daz selb vff ein andren platz vorbehalten haben.

Erstlich, vff das du dein vngunst gegen den Romaniscen erzeigest, sprichestu daz sie erdichtet haben, wie dreierley stend seient, ein geistlicher, adelicher, vnd peürscher welche

drey stent der massen soltent vnderscheidet sein, daz der weltlich adelich oder pürisch den geistlichen nit hab zů straffen, sunder harnwiderumb der geistlich die andren zwen, vnd da mit wellen sich die rōmaniscen beschirmen alß hinder einer muren daz sie vngereformieret beleiben vnd iren müt-wilen vnstrefflich dreiben mögen.

Das wiltu nun hoch widersechten nach deiner gewonheit vß der heiligen geschriff, vnd bringst sant Paulum har. ad Cor. xij. der sag das wir alle ein cörper seient, an dem ein iedes glib sein eigen werd hab vnd Cristus das haupt sey, wir haben auch all ein ewangelium, ein tauff, ein glauben, da durch wir alle geistlichs stads, Darumb auch nit war sey das drey stend seient, sunder nit mer dan ein geistlicher christlicher stant aller gemeinen christenheit, darumb auch die iez weltlich stants genant seint aber warlich geistlichs, christlichs stants, den iez genannten geistlichen statt alß ire mitglieder zů straffen vnd zů besseren haben.

Darzů gib ich ein antwurt mit solcher protestation das ich weder die Romaniscen noch niemans anders in seinen vbelbadten versechten vnd beschirmen wil, oder in seinem mütwil halßstard machen, allein zů gegen den vnwarhafftigen vnd vnchristlichen reden geantwurt haben will. [B₄]

Erstlich vff das fundament gon, vnd sag das es nit wor sey das nur ein stadt sey, der ein geistlicher gemeyner christlicher stadt genant sey, es sint sich auch nit der in göttlichen noch menschlichen biecheren, doctor Luther wurdet auch sein leptag nimmer also gelert das er des eincherley gschriffen zeigen mög, dan das er anzeigt sant Paulus i. Cor. xij., Ad Roma. xij. vnd i. Petri. iij. Das seint dry ort der angezeigten heiligen geschriff da mit er wil beweisen das nur ein geistlicher stadt sey, Nun sol menglich wissen das i. Cor. xij. also stat geschriben, Warlich in einem geist seint wir alle in eine versamlung, den ich corpus nit anders den ein versamlung deütschen sol, wir seient iuden oder heiden, eigen oder frey, vnd seint alle in einen geist gebrendt worden, wer ist aber vff erden also kindisch, der da nit verstand das in denen worten nit mag beweret werden das nur ein stat sey, es stat wol da das

wir in got einer versamlung sehent, aber nit eins standts, es ist in einer stat auch ein versamlung der burger, noch ist da mancher stadt vnd würdigkeiten der personen, er nent das wort corpus zů dñtsch an dem selben ort ein leib, vnd solt es warlicher ein versamlung deütschen, dan ob wir schon ein leib mit Cristo Ihesu vnserem haupt machen, ligt es doch an dem tag das der leib nit anders dan ein versamlung gleicher weiß soll verstanden werden, als man spricht corpus capituli die versamlung des capitel, Wie gar mißuerstendig brucht er die latinsche sprach das er corpus vnnnd [B₄^b] status für eins nimpt, den leib oder versamlung, vnd ein stat ist zweierley. So nun dieses von im angezeigt ort der heiligen geschriff nit sagt das wir alle eins stats sehent sunder in Cristo einer versamlung, da bei mag menglich verstön daz er wie hie so auch schier an allen orten die heilige geschriff fürwent, wider iren eignen syn, dan weder die wörter noch der verstant geben mögen, wan man seinem allgieren glaup so het er recht, sücht man aber hinder sich in der heiligen geschriff, ort vnd end, so er angezeigt hat, so ist es lurtisch vnd nit also wie er sagt.

Item er weist zů dem andren Ab Roma. xij. da stat also geschriben, Als wir in einem leib sil gelider haben, vnd aber alle glider nit ein werd thünt, also seint wir alle ein versamlung oder leib in Christo. So es nun nit war ist das wir ein warlicher leib mit Christo seindt, dan in einner gleichniß, das ist ein versamlung in einigkeit Christi verfasset, solt er corpus nit für einen leib, sunder für ein versamlung verdeütschen, doch laß das kein span sein, vnd werd hie geredt, das wir in christo all ein leib seient, damit hastu aber nit beweret das wir alle eins stadt seient, Sunder hast nach deiner gewonheit aber eins die heilige geschriff vnnnd sant Paulus in das halßysen vnd vff den lasterbangt gestellet, den leib vnd stadt ist zweierley, erbüt ich mich für alle gelörten vff erben, vnnnd ist diser text mer wyder dich dan mit dir dran, dan er spricht das wir ein versamlung seint, Doch mancherley glib also das iedes sein eygen werd [C₁] thüg, das sol billich wider dich verstanden werden, dan dein

meinung wer, daz der weltlich des geistlichen werd thun sol, daz ist die weltlichen seien paffen vnd pfeffin, das sie in dem tauß empfangen haben, vnd wan du deinem Paulo völgst, so lieffestu ein iedes glib sein eigen werd thun, die augen sehen, den magen deuwen, die füß gon, vnd die hend greiffen.

Das drit ort .i. Petri .iij. so du anzögst in sant Peters sendbrieffen stot weder von leib noch von dem stat, vnd nit weiter, dan daz wir in dem glauben einmütig sein sollen, daruß würstu nimerme beweisen, daz nur ein stat sei vnder allen cristen. Darum ich iez iederman wil gewarnet haben, wan du etliche örter der heiligen geschriff anzögst, zü behilff deiner reden, daz man dir das nit glaubt sunder an angezögten orten vnd enden sich besüchen, so werden sie in warheit befinden, daz du dich der heiligen geschriff wider iren sinn hoch mißbruchest, vnd felschlichen den armen vnuerstendigen zü verblenden fürwendest.

Wilt weiters den weltlichen stat, vber den geistlichen bewegen, als ob sie solche cristliche rüt die sünden zü strafen billich an den geistlichen bruchen mögen vnd solten, laß ich ston in seinen werd, das muß ich aber da bei sagen, Ist es ein cristliche rüt, sol man sie cristlich vnd nit vffrurig noch mörderisch bruchen, sunder nach der leren cristi. Mathei .xvii. vnd Luce .xvi. Sündet dein brüder in dich, gang hin straff in zwüschen dir vnd im, würt er vnsträfflich erfunden, so nim einen oder zwen zü dir in krafft einer kundtschafft, höret er die alle nit, so sag das [C₁^b] der oberkeit der kirchen. 2c. Also sol dise rüt gebrucht werden, das ist aber deiner meinung nit, sunder daz ir mit busonen vnd trumeten allein vmb die stat Hiericho giengen, vnd eilends die ganz stat verfiel in eschen, den dein zornigs gemüt wer, das man den blunder allen schnel in eschen legt, bald feierabend macht, daz man noch by hellem tag in das bad gieng. Es sein sunst vil strafen vnd weg vffenwendig deins fürwendens, da mit die geistlichen von dem weltlichen mögen bezwungen werden von vbelem ab züston, dan die keiser vil stet mit gewalt zü dem cristlichen glauben bezwungen haben. Aber das ge-

stand ich nit, das sie daz mit richterlichem gewalt macht haben zůthūn, daz soltu probieren vnd beweisen, vß der heiligen geschriff, als du dich berümeßst doch noch nit gethon hast.

Das du aber sprichst das alle cristen seien geistlichs stands in ansehung ires geistlichen glaubens vnd der verreinigung in cristo ihesu, wa mit wiltu daz beweisen, sie sein wol eins glaubens, aber nit eins stands. Also möchtestu auch sagen, wir weren einander all in dem ersten grad verwant, vnd Schwester vnd brüder in einem Adam vnserm vatter, vnd möcht also keins das ander zů der ee nemen. Also möchtestu auch sagen, wir weren alle des adelichen stads, dan wir einen gemeinen vatter cristum Ihesum haben, der sein kron in dem blūt erholet hat. Also möcht ich dem nechsten der me het dan ich, das sein mit recht anfallen, mit mir zůtheilen, dan wir als brüder von einem vatter noch in vnzerteiletem gūtessen, solche reden spöttlich vnd kindisch von dir zů hören, dan ob wir schon [G₂] eins cristi glider sein, ist dannoch in denen eins leibs glider ein großer vnderscheid, vnd hat iedes sein eigen werck zůthūn, wie sant Pau. sagt. In welchen eigen werden eins das ander sol vngehendert lasen, da bei merckst du noch wol, das dein angezögte geschriff mer wider dich ist dan mit dir daran.

Sprichstu nachgonds, das vnder allen cristen kein vnderscheid sei, dan des amptßhalb. Soltestu billich ansehen was Pau. schreibt i. Cor. xij. Das got erstlich in der kirchen gesezet hat zwölffboten, zů dem andern propheten, zů dem dritten doctores .xc. Vnd also nachgonds andere empter vnd würdikeit vnderscheidlich.

Nun frag ich dich, ob sie in iren emptern ewig seien oder nit, sein sie in ewiger würdikeit vnd ampt, vnd haben das allein von got, so haben sie ein stat wider dich. Sein sie aber abseßlich, als dan soltu bewerren, das sie daz apostolat, euangelischen, vnd doctorats würdikeit mit dem ampt ab legen, hie soltestu billich nit also on geschriff reden, greiff dieß in das sedlin deiner hellischen, ich hab mißret, deiner heiligen geschriff, ob du ein blinden text finden mögest, der dir helff bewerren, das die stätlich

würdikeit mit dem ampt hingelegt werd vnd abgang, wan wir das von dir hören, wollen wir dir ein antwurt geben dan wir deinen leren worten vnd fabelen, als wenig glauben wollen, als du den vnsern.

Darnach iuffest du mit den heiligen Sacramenten, vnd [C₂^b] vermeinst, so ein bischoff weihe vnd salbe, so mög er wol ölgözen machen. Also möchtestu auch von den künigen sagen, so man sie weihet vnd salbet, daz man einen ölgözen vß im mache, vnd wer mit seiner erwölung gnüg. Nun sint man dannocht in dem alten gesaß, das man die priester gesalbet hat Exo. .xxix. vnd besglichen die künig auch gesalbet. i. re. ix. Ob du aber sprichst. waz gat mich in dem sal das alt gesaß an, wil man in einem das alt gesaßt halten, so sol man es auch in dem andern halten, darzü sag ich das wol beschloffen sei, was vß dem alten gesaß vnß zûhalten ist, vnd waz nit, dabei soltu vnß billich lasen bleiben, ober ein anzögunng thûn vor bequemlichen richtern, warum nit. Aber das du vermeinst, die zwölffboten haben doch kein priester gesalbet vnd wie wir der massen verordenet, sag ich also das du das bewerer solt, dan dir nit wil gebüren ein solchen löblichen bruch von der zwölffboten zeiten vff vnß erwachsen zû verleugnen on vrsach vnd die heilig geschriff, wir allegieren daz alt harkumen, das wir von den zwölffboten erlernen haben, was allegierestu dar gegen wollen wir gern von dir hören. Sprichstu aber es stand nit in dem euangelio, sag ich da bei es stot doch auch nit in dem euangelio, daz cristus vnser her zû der hellen sei gefaren, vnd ist dannocht in dem artickel vnserß glaubens von den zwölffboten empfangen von gemeiner cristenheit, es sein noch me ding durch cristum vnd die .xij. boten geschehen dan in den euangelien vergriffen sei. Darumb es mich von dir ein vnfinnikeit dunckt nit für ein warheit, vnd löbliche gewonheit zû zulassen, dan daz [C₃] in dem euangelio geschriben stand. Sprichstu dan ich laß vil ding vffwendig dem euangelio zû für seinen werd, vnd für menschliche erdichtung. Sag ich weiter das es für kein menschlich erdichtung mag geschezt werden was durch vnbildung des

heiligen geists hie ist, sunst weren alle propheten menschlich erdichtung, solt auch nüt den allein das euangelium den zwölffboten vnd der cristenheit not gewesen sein, warzû wer dan on not der heilig geist gesendet worden, dan sy sich des euangeliums wol hetten mögen behelffen.

Das der bischoff so er weihet an stat der gemein für priester erwöle. Luter wa bleibt dein heilig geschrift, damit du das bewereft, sollen wir allen deinen leren worten glauben, so werestu vnsern worten auch schuldig zûglauben, dan vilen ist in gleichem sal ee zûglauben, dan einem. Darum zeug vnß durch die geschrift an, daz der bischoff des gewaltt hab an stat der gemein zû thun, oder das im des got an stat der gemein besolhen hab. Ich finde wol, das cristus vnser her zwölffboten vnd priester gesetzt hat, das er aber das an stat der gemein gethon hab, daz finde ich nicht.

Demnach sprichst du, werden wir alle sampt durch den tauff priester geweihet. Wie .i. Petri .ij. gesagt ist, vnd sein so pfaffen so auch pfeffin. Darzû sag ich, das du aber die heilig geschrift bruchest, anders dan der sin vnd der verstand lautet. Dan sant Peter schreibt zû etlichen da bestimpten cristen, daz sie seien ein vßerwelt sold, vnd ein küniglich priesterthum, also dolmetsch ich sacerdo-^[C3^b] tium, vnd du selber auch, da durch hastu nit bewertet daz ieder in dem priestertum begriffen, ein priester, pfaff oder pfeffin wer, als so ich sprech, wir teutschen sein ein vßerweltes keiserthum, daruß folgt nit daz ein ieder in vnserem keiserthum begriffen, ein keiser oder keiserin sy, oder tütsch es gleich also, ir sein ein vßerwelt sold vnd ein küniglich priesterthafft, ist gleich also vil gesagt, als ob ich sagte. (Vos estis imperiale regnum.) Ir tütschen sein ein keiserlich reich, daruß ist noch nit gesagt, das ein ieder tütsch ein keiserlicher künig sei, es volget vil ee vß dissen worten sant Peters daz dir nit lieb ist, das der papst der vnser cristenlichen priesterthums die höchste oberkeit, ist ein künig sei zû achten, daz wilt aber du nit zulassen. Ich bit dich doch durch got, so man spreche, ir tütschen sein ein vßerweltes keiserthum, ob daruß folg, das ieder tütscher ein keiser oder keiserin sei, sag

nein. Ach also wenig folgt auch das nacher, ir cristen sein ein vßerweltß pfaffentum oder priesterthüm, das darumb ein ieder crist ein pfaff oder pfeffin sei.

Die ander heilige geschriffst damit du beweren wilt, daz wir durch den tauff alle pfaffen vnd pfeffin seien, ist in apocalipsi. daz ist in dem büch der heiligen offenbarung. c. ij. Sprichstu stand also geschriben durch sant Johannes, du hast vnß gemacht durch dein blüt zü priestern vnd künigen, ich wolt es gern by deinen worten lassen bleiben, so folgt hernach als wenig ein ieder künig were, als wenig wer ein ieder priester. [C₄] Es ist aber nit war das geschriben stand wie du sagst, sunder also. Er hat vnß gemacht ein reich, vnd priester got vnd seinen vatter, wer in einem reich ist, der ist darumb kein künig, wie aber das sol verstanden werden, daz er vnß priester gemacht hab, zögt sant Peter vorgonds an, daz vnß got zü einem priesterthüm gemacht hat, daruß volgt aber nit, das ieder in dem priesterthüm begriffen ein priester sei, als wenig als so man sprech, der keiser hat vß dem Württembergischen land ein herzogthüm gemacht, das ieder Württenberger ein herzog wer.

So du nun aber hie zwei mal die heilig geschriffst nit nach irem sin vß legst, sunder wider iren verstand gewaltigest, wil ich zü dem anderen iederman vor dir gewarnet haben, wa du die heilige geschriffst allegiierest, daz dir niemans glauben geb, sunder ort vnd end süch, die du anzögest, so würt es erfunden, das dein sach vff müßwilligen reden stond, vnd in keiner heiligen geschriffst gefundiert. Und kan also bei keiner warheit beston, das der tauff pfaffen oder pfeffin weihe, oder du müßtest das anders beweisen dan mit disen geschrifften.

Das aber nicht alle christen gleichen gewalt haben, so vil die priester schafft betrifft, gibt das ein anzögen, das cristus vnser her allein zü den zwölffbooten geret hat, nemen den heiligen geist, vnd wem ir seine sünd verzeihen, dem sollen sie verzeihen sein. 2c. Wa hat Maria die müter gottes sich des priesterlichen [C₄^b] gewalts vnderzogen so

du doch sprichst, sie sei als wol als alle andern ein pfeffin, oder zög vnß an, ob du sagen woltest, sie wer dar zu nit erwelt gewesen, wa sein ie frauen zu priesterlichem ampt in der cristenheit erwelt worden das so du nit anzögen kanst, laß ich es für ein vnwarhafftige reden ston, das der tauff alle cristen paffen vnd pfeffin mach vnd des halben inen gleichen gewalt geb.

Fürst darnach vff ein falsche red, ein falsches exempel yn, als so zehen geborne brüder eins künigreichs gleich erben weren, wer doch allein der erwölt in bruch des küniglichen ampts, wie wol sie alle künig weren, vnd gleichen gewalt hetten. Sie gibstu dein vnwissenheit hoch zu verston in villen stücken, doch in dem daran wir iez sein, so zög mir an, das wir gleich erben seien der priester-schafft. Ich find wol daz cristus seine priester erwölt hat, vnd nach der erwölung inen den gewalt geben des priesterlichen ampts. Aber ich find nit, das sant Peter die priester-schafft von seinem vatter ererbet hab, vnd allein von cristo (on weitem gewalt geben) darzu erwelet sei, dan die cristlich priester-schafft ererbet sich nit, wie in dem alten testament.

Gibst zu dem andern noch einen falschen exempel, noch ein vil felschers, als so ein heufflin frumer cristen gefangen wurden, vnd in ein wüstenei gesetzt, die nit bey inen hetten ein geweihten priester, von einem bischoff, vnd wurden alle da der sachen eins, erwölten einen vnder in, er wer eelich oder nit, vnd besilhen im das ampt zu teuffen, meßhalten, absoluieren, vnd predigen, der wer [D,] warhafftig ein priester, als ob in alle bischoff vnd Päpst hetten geweiht. Doctor Luther, wa ist iez dein heilige geschriff, deren du dich alle zeit so hoch brümeest waz du sagst, das sei die heilig geschriff, durch welche geschriff wiltu vnß diß beweren. Hörstu nit, wa stots geschriben, das der solcher masen erwölt ein priester sy in dem sal der noturfft, es ist auch da kein solche noturfft dan allein in dem tauff den mag ein ieder crist geben, er ist aber darumb nit ein paff, des absoluierenshalb vnd der andern .c. Ist got vff die Sacrament gebunden, würd inen kein nachteil an irer selen selikeit bringen ob

sy schon kein pfaffen hetten. Darum wir dich bitten, wan du vnß antwurtst, das du deine heiligen geschriffte baß ansehest, dan in der vnsern finden wir nit, daz einer der massen erwölt ein warhafftiger priester sei, als ob er geweiht wer.

Darnach sprichstu daz vff dise weiß die cristen vß dem huffen ire bischoff vnd priester erwölt haben, dan also warde sant Augustin. Ambrosius. Ciprianus bischoff, das wie es von sant Ambrosio nit war ist, also ist es auch von den andern nit gleublich, dan wir von sant Ambrosio finden, das in der zwitachten der arrianer vnd der cristen durch die stim gottes sei dem sold für ein bischoff zü geriefft worden, der stimen hat daz sold nach gehendt, vnd in für ein bischoff begert, aber nit erwölt.

Dieweil nun als du sagst dy weltlich gewalt, ist gleich mit vnß getaufft, hat den selben glauben vnd euangelh, müssen wir sie lassen priester vnd [D. b] bischoff sein vnd ir ampt zelen, als ein ampt das da gehöre vnd nuß sei der cristenlichen gemein. Ich gestand dir nit das ein einicherlei weltlicher gewalt mit vnß getaufft sei, aber wol das menschen die ich velleicht gewalt tragen mit vnß getaufft sein, das lassen wir zü den kein gewalt, sonder die menschen getaufft werden, vß vrsach thü ich die ynred, dan ich weiß dein vßschlupff vnd yngeng. Sag an, ich muß doch ein mal teütsch mit dir reden, macht der tauff pfaffen vnd pfeffin, wa seind die zwölffboten pfaffen worden in dem tauff. Sprichst du sie seien getaufft worden, so zög mir das in der heiligen geschriffte an, sunst glaub ich dir also wenig, als du vnß glaubest, es stand dan in göttlichen bücheren geschriben, vnd wiewol ich es selb glaub, das sie seien getaufft worden, noch dannocht was dir recht ist, sei mir billich, du wilt nichts on geschriffte glauben, so wil ich dir auch nüt on die geschriffte glauben, so du nun nit kanst anzögen in der geschriffte, das sie getaufft worden sein, so ist auch nicht war, das sie der tauff pfaffen gemacht hab. Ob du aber ie woltest sagen, sie weren getaufft, das glaub ich selb, allein wil ich dir damit zü verston geben, das vil erlicher ding, vnd noturfftig zü

[illegible][illegible]

1. The first of these is the fact that the United States has a large and growing population of people who are of Mexican descent. This population is concentrated in the southwestern United States, particularly in California, Arizona, and New Mexico. It is estimated that there are over 10 million people of Mexican descent in the United States, and this number is expected to increase significantly in the future.

1. The first of these is the fact that the United States has a large and growing population of people who are of Mexican descent. This population is concentrated in the southwestern United States, particularly in California, Arizona, and New Mexico. It is estimated that there are over 10 million people of Mexican descent in the United States, and this number is expected to increase significantly in the future.

Weiters folgt daruß, daß man ein priester vnd geistlichen als billich Keiser, künig, herzhogen, graffen, ritter oder knecht macht, als ein edel man, dan du sprichst wir seien alle eins geistlichen stands on vnderscheit, vnd sol mit der weiß die geistlichen als billich daz weltlich schwert tragen, als es iez die weltlichen tragen, das werdet aber sie vngedultig hören, nun folgt es alles vß disen deinen worten. Das aber deine folg nit war sei, gib ich dir dein eigen exempel wider dich. Sant paulus spricht, wie ob gesagt das wir alle eins leibs sein, vnd cristus vnser haupt doch hab ein iedes glib sein eigen werdt, also sol der priester nit thün daz werdt des adels, vnd der adel nit thün die werdt der bauren, vnd der bauer auch nit thün die werdt der priester vnd des adels, als wenig als ein leib, ein glib dem andern in seinem werdt zü hilff kumen mag vnd kan, die hend mögen vnd können den augen nit helfen sehen, noch die augen den füßen helfen gon, noch der magen den henden helfen greiffen. Darumb ist dein exempel von den glibern mer wider dich, dan mit dir daran.

Darnach sagstu, das weltlich gewalt von got verordnet ist die bösen zü straffen, vnd die gütten zü beschirmen, darzū sag ich kurz ab, daz solchs nit war sei, das der [D₃] weltlich gewalt darzū verordnet sei von got, vn retst wider dich selb, dan du sprichst, das kein weltlicher stat sei, sunder wir seien alle geistlichs stands. Ich find wol .i. petri .ij. Das vnß sant Peter gebüt, einer ieden menschen creaturen, die ein oberkeit tregt, der sollen wir vmb gottes willen vnderthenige gehorsame beweisen, es stot aber nit da allein dem weltlichen gewalt. Dan wie du sagst sein wir eins stands, so mögen keiser, künig, fürsten vnd herren als wol vß dem geistlichen stand erwölt werden, als vß dem weltlichen, als vor zeiten keiser vnd künig auch priester woren, diß ist auch deiner höchsten vrsachen ein das man dem bapst sol gehorsam sein, nit darum das er von got erstiftet ist, sunder das er den gewalt des schwerts vß gottes ordnung vnd willen fiert zü straff der bösen vnd beschirmung der gütten, vnd ist er dannoht ein priester. Wie kanstu dan sagen, daz die

weltlich gewalt zů dem schwert von got verordnet sei, vnd nit als wol auch die geistlichen.

Vnd ich müß dich ein wenig haß gürtē. Sant Paulus ro .xiiij. sagt also. Ein iede seel ober mensch sei der obren gewalt vnderwürfflich. Dan kein gewalt ist dan von got, vnd waz von got ist, daz ist von im geordnet. Darum wer dem gewalt widerspennig ist, der widersichtet gottes ordenung, aber die sich da wider sperren, die erlangen dadurch ein verdampniß. So nun der bapst daz weltlich schwert auch tregt in seinen landen, vnserē drey weltlichen Churfürsten, vnd der merer theil der bischoff in tůtschen landen auch etlicher gefürsteter ept, kan nit anders vß den worten Pauli verstanden werden, dan daz sie daz [D₃^b] schwert des gewalts, von got vnd seiner ordnung empfangen haben, vnd sein doch geistliche personen. Wie darffestu dan sagen, die weltlich gewalt hab das schwert zů straffen von got, die geistlichen zůstraffen. So sie nun beide stāt, der geistlich vnd weltlich das schwert von gott haben, zimpt dir nicht zwei schwert in einander zů verwürren, vnd har vß har zůmachen, streit ist sinwel, wer weiß welcher den andern strafft oder schlecht, seind aber etlich beschwerden, vnd mißbruch abzůthůn, das mag wol durch fürsichtikeit vnser̄s keisers, vnd der durchlůchtigen Churfürsten mit gůter müssen, vnd geschickten mitlen abgethon werden, das sich die tůtsch nation nit me zů beklagen hab, wie man sie also mit viller nůmer find vnd erdichtung also vnderstand an irem gelt vnd barschafft zů erschöpfen vnd embloben, also das deins wütenden rats nit darzů not würt sein, man sol dich auch darumb nit hören, dan du durch solchs schmieren vnd specklin on allen zweiffal vnderstaft vnsern glauben zů schēdigen, vnd böhemische meren zů verkůnden, zůgst mit den fingern vff das tůtsch land, vnd windest mit den augen vff böhem. Ich hoff zů got, wir tůtschen kumen aller beschwerden ein mal ab, vnd wōllen dannocht frum cristen vnd vff vnserm betterlichen gesaß bleiben.

Des bannes halb das weltlich schwert ir werd thů, vnd kein ban darunder ansehe wil ich an disem ort lassen

rügen, dan wir in einem an[D₄]bern büchlin in cristlicher warheit darvon reden wollen. Das sag ich aber mit vollem mund, das der han also verachtet ist, vnd würt, daran hat niemans schuld dan die geistlichen vnd bischoff, die in so leichtfertigkeit vnd oft nur vmb drei hasselnuß vnd zwen daubendreck bruchen oder warlicher mißbruchen. Darumb hat sich die geistlichkeit diß gar nichts zu beklagen, dan niemans daran schuld hat, dan sie selb, selb thün, selb leiden.

Mit dem priester der abge-

setzt würt degradiert, vnd weltlichem gewalt vberliffert, daz er nit me priester sei, das ist gar nit war, dan wa er nach der absetzung meß lese, wiewol er daran vnrecht thet, schieff er so vil in dem ampt der heiligen meß, als ein vnabgesetzter. Es befrembt mich hoch, wa für du dich achtest, das du so vil ungewoner, ungehörter, vnnd vnwarhafftiger reden wider alle heiligen lerer oder den merern theil darffst thün on geschriffen, vnd weist daz du verargweniget bist, wie du das giffst mit dem honig verkauffest, vnd wir dir billich on geschriff nit glauben sollen, mit namen so du dich vor deinen günnern in allen büchlin der geschriff so hoch berümeest, das sie offentlich sagen. Doctor Luther redet doch vß der geschriff, warumb fragen sie dich iez nicht, warumb du so vil on geschriff mer schwegeest mit den agelen, dan du redest [D₄^b] vnd ob du mir wider fürwürffest, warum ich auch nit mit geschriff anzögt, das ein degradiert priester, sol dannocht priester bleiben, sag ich das es mir als einem antwurter nit gebürt, dan du als ein arguierer solt bewerren. Nam actori incumbit probatio vnd nit ich.

Vermeinst es sei zu vil das man die geistlichen so vil frei in dem geistlichen rechten gleich, als weren die leyen nit auch so geistlich güt cristen als sie, oder als gehörten sie nit zu der kirchen. Warum sol ir leib, eer vnd güt so frey sein, vnd nit das mein, so wir doch gleich cristen seind, gleichen tauff, glauben, geist vnd alle ding haben. Fragst wa her so groffer vndercheid kum. Es ist niemans so einfeltig, der hie nit

verstand, das du den lehen zů gefallen redest, vnd wilt sie in freiheit den geistlichen vergleichen, doch so biß die warheit vnd den glauben nit beriert, mag ich es wol lassen ston. Weistu nit wa in ire freiheit des merern theils her kumpt, so liß das keiserlich recht, vnd das buch der leuiten in dem alten gesaz. Warumb redestu wider die freiheit, die in got vnd die keiser geben haben, vnd auch nit so billich wider die freiheit dy die keiser den stetten vnd lehen geben haben. Ich kan auch nit sonderliche freiheit der geistlichen finden, schlecht ein lehe den andern zůtob, vnd laufft in ein kirchen, so ist er frey, so man ein priester todschleger, on alle freiheit von dem altar nimpt, vnd gibt im sein straff, ich wolt dannocht lieber ein freiheit haben, so ich iemans erdötet freiheit zů finden, dan so einer mich erschlieg, daz man interdict hielt. Darum rech eins gegen dem andern ab, fragst [E.] sil vnnützlich, so muß ich dich auch fragen, worumb gehören die stül vnder die bend, darumb gehört auch der nidern, vnder sein obren, Aber vergleich der lehen freiheit, so sie von bepsten vnd keiseren haben gegen der geistlichen freiheit, so habent sie tusent mal mer dan die geistlichen, darumb wir gern mit in duschen wellen, vnd hett daran kein span. Ich weiß ein freiheit eins zols von keiseren an einem ort verliehen etlich tusent gulbin ein iar vff zů heben, vnd der sie hatt, darff weder stat, brucken, weg, oder anders besseren, ich nem die selbig freiheit, vnd ließ dir die so ein priester erschlagen ist, daz man interdict halte, der leien freiheit brüfft in die kuchen, so der geistlichen ein lutre bettlerey ist, vnd nit der senff gegen iren freheiten zů bezalen, es verdrüffet mich daz ich dir ober dises dorecht vnreden so sil geantwurtet hab, so es doch vnseren glauben nit betrifft.

Du sprichst es stant in dem geistlichen rechten, wan der papst so schedlich böß were, daz er gleich die selen mit grossen hauffen zům teuffel fieret, kint man yn dennoch nit absehen, daz mieß ein hauptteuffel darin gesehet haben, in solcher schedlicher anflag soltestu billich angezeigt haben an welchem ort vnd end das stünde, dan dir daz niemans glaupst daz es din sey, darumb billich erachtet würt daz du daz dem geistlichen rechten mit der vnwarheit hast

zügelegt biß du ein anzeigens diegeß wa es din geschriben stand, du düßt eben wie Hans fürßlin, der wolt buwen vnd sieng an ein huß ganz abzubrechen, darnach vber .ij. iar wolt er ein nūwes buwen, also daz er die .ij. iar im regen saß, vnd nit so wißig was, das er sich des alten huß [E,^b] solt behelffen biß er ein nūwes oberkeme, mach vns zū dem ersten ein nutw geistlich recht, dan so lang wir das nit haben werdent wir vns des alten behelffen, vnd dich an ein kerbholz lassen schwezen, es stat doch geschribben v. non mutabis donec plurale videbis, daz ist du solt die alten schū bruchen biß du ein nūw par umberkumpst, vnd alß du sprichest weiters das in den geistlichen rechten so sil kezerischer vnchristlicher vnd vnnatürlicher gesatz stont die soltestu billichen angezeigt haben, so wer dir doch dest gewilliger gelaup worden, darumb müstu das billich erdichtet haben, oder ein weiters anzeigen darumb thūn, aber du sagst es sei nit von nöten, Darzū sag aber ich daz ein ieder ankleger billich soll sein anslag in geschriben thūn vnd nit mit blinden worten, zū latin be edendo, sunst möcht ein ieder reden was er wolt, vnd wer also niemans vff erden seiner eren sicher vor vnnützen vnd leren wörteren.

Wer in spennen Christlichß glaubens zū erkennen hab vnd irthūm hyn zū legen.

Wir kumen iz vff die ander muer wie du es nennest, wer in spennen vnd zweiffal christlichß glaubens hab zū sprechen, vnd zū erkennen, Sag ich darzū erstlich daz in spennen des glaubens hab zū sprechen niemans dan sant Peter vnd seine nachfaren, daz bewer ich vß der götlichen geschriff actuum .xv. da sint man daz in vrsprung vnserß glaubens ein grosse irthūm entstanden was, ob zū dem tauff, [E,²] auch solt beschnitten werden, bey vnser selen seligkeit da sind ich daz sant Peter, on alle widerred die irthum hingelegt hat, vnd in diser sachen des glaubens gesprochen, vnd weiters sant Jacob seinen spruch bestetiget hat, daz er der heiligen geschriff gleichförmig seh, vnd ein kleinen zúsatz gethon das

man sich hietet vor vnkeüßheit. x. Vnd hat sant Pau. selber vnd Barnabas gen Hierusalem gereiset, zu den .xij. botten, den priesteren vnd den, alten also daz in dem selben capitel clarlich erfunden würt daz in speennen christlichs glaubens sant Peter gesprochen hab vnd niemans anders.

So ligt auch an dem tag vß den worten Cristi iesu luce .xij. das Cristus vnser her also zu sant Peter sprach, Petre ich hab für dich gebetten daz dein glaub nit gar zergang vnd ersige, Darumb för dich zu zeiten vmb vnd bestetig auch deine brieder, Da bey wol verstanden ist, daz bestetigung in dem glauben sant Peter zugehöret gegen seinen christlichen briederen, in krafft der fürbit die Cristus für in gethon hat. Ich laß mich auch ganz nüt irren daz du sagst Cristus hab für die andren auch gebetten Jhis .xvij. den liß beyde text so findestu ein grossen vnder scheid vnder der fürbit Cristi Petro gethon, vnd der fürbit den andren gethon, dan Petro darumb das er in krafft der bit in dem glauben steiff belibe, vnd die andren seine brieder möchte bestetigen. Aber den andren darumb, das sie daz wort Christi angenommen hatten, vnd in yn gelaubet, des erbüt ich mich vff beide text, darumb sag ich das vß den worten Cristi die bestetigung in dem glauben allein Petro züstot, vnd nit den andren. [C₂^b]

Ich laß mich auch zu dem andren nit hindren das du sagst diser bapst sey ein vngleübiger kauffman, tiran, dieb vnd fil der gleichen schelliger vnd vngeistlicher wort, dan laß yn ein mörder sein, wil vnß dennocht nit gebüren in zu verdammen vnuerhöret, es were auch wider der teütschen art also leichtfertig einem ieden zu gelauben vngehöret der widerparthen, darumb so lang wir des bapst verantwurten nit gehöret haben, so werdent wir yn dabei lassen beleiben, daz im Cristus geben hat, daz er die Christen hab in dem glauben zu bestetigen, ist er schon böß wie du sagst, so seint vor im güte gewesen, vnd ist zu hoffen daz vnß nach im got wider güte better vnd prelaten gebe, vnd seß daz zu dem rechten, ob man dir der anslag wider den bapst geston vnd glauben sol, vnuerhöret vnd vnuerantwort seyn.

Ich sag auch weiter daz solche bestetigung des glaubens in krafft der schlüssel des himmelreichs sant Peter gegeben seint, vnd ist auch nit war das die schlüssel des reichs der himmel der gemein geben seient, dan es stat geschribben, Petre dir wil ich geben. heist Petre die gemein so hastu recht, ist es aber ein eigner nam, so hant wir recht.

Ich hab nie gewist das Petrus, ein gemein heist dan ieh, vnd ob du schon sprichst sie seint doch nach der hant gegeben worden Johannis am letzten capitel der gemein als Christus sprach, Nemment den heiligen geist welchen ir die sünde nachlassen, darzu sag ich daz an dem ort nit geben seint die schlüssel des himmelreichs, sunder allein der gewalt zu binden vnd entbinden der priesterlichen ordnung anhangend in dem der bapst mit den andren [E₃] vergleicht ist, darumb müstu andre örter suchen da die versprochenen schlüssel gegeben seient des himmelreichs, doch hab ich darvon weiters geantwurtet in dem buch von dem bapstenthum vnd der höchsten oberkeit chrisilichs glaubens.

Du gipst vns daz zu bedenden auch zu bekennen, daz frumme christen vnder vns seint, die den rechten glauben, geist verstant wort vnd meinung christi haben, wer wolt aber daz leugnen, das wissent wir wol, vnd gestonts, Daz aber nacher volge, daz deine lere eins solchen rechten verstants sehent daz finden wir nit, dan wir dich finden irren schier in allen stücken, vnd vß zorn, neid, vnd haß, mer reden, fluchen oben, vnd schelten, dan die warheit ist, aber das von dir nit ein grosse vermessenheit, was du redst also glaubwürdig achtest, vnd alles das wider dich ist verwürffest, du möchtest doch den richteren heim setzen zu erkennen da es dennoch hindennach hinkommen muß, got geb wa für du dich verzollest. Wir glauben auch in gemeine christenheit vnd nit in den bapst als du vns fellschlich zu legst, vnd da bey weiters daz der minst christ ein warheit finden vnd wissen mög durch yngebung des heiligen geists das den aller weisesten des glaubens verborgen ist, als geschribben stot Matheⁿ .xi. das aber du der selbig seiest dem solche biß har verborgene warheiten eroffnet sehent durch den geist gottes, das glaubent wir

nit, vnd wellent do mit nit gefreuet haben noch dich verachtet, So wir das sehen zwischen vns vnd dir dem Concilio heym, vnd wellendt darin lassen erkennen [E₃^b] vnd sprechen. Gifft nach der hant dry exempel, das Abraham Sare seiner hufftrauwen hett miewen volgen vnd weichen, Balaam dem effel vß dem der engel redte vnd yn straffte vnd Paulus straffte Petrum das er nit recht ging in dem weg des ewangeliums, vß disen laß ich dir gern zü daz die mindren mögen die obren straffen warin sie irren, vnd hab des gar kein span mit dir, daz aber dir billich als Sare, Paulo, dem effel sol gewichen werden, als dem der die warheit redt wyder den Papt, da wil ichs vndercheiden, meinstu in dem glauben, so sind ich dich vngerecht, vnd sol dir billich nit gefolget werden, meinstu es aber in etlichen myßbrüchen, vnd beschwerden so der Papt vnd sein hoff söllent wider recht thün, das kinnent wir nit versprechen dan wir sein weder bericht haben noch beuelhe, Aber daz dunct mich rechtlich vnd frumlich gehandelt das man in vnschuldig halt biß es mit recht vff yn bracht würde, vnd ob er schon ein mörder were, daz man yn laß zü verhöre kummen, vnd mitler zeit in laß beleiben in seinen würdendwie er ist. Zü lest in diser mater, so ich gesagt hab er papt hab in spennen des glaubens allein mit Petro zü sprechen, muß ich denocht zülaffen vnd billich daz ein gemein Concilium in solchen spennen hab zü erkennen, Dan es stat geschriben ad Gala .ij. daz sant Paulus spricht, ich bin mit Barnaba vnd Tito zü den apostelen, priesteren vnd alten gon Hierusalem gezogen in dem span der gleübigen vff das ich nit öblich in dem glauben prediget vnd lernet.

Da bey wol zü verston ist das die selbig versamlung in solchem span hat zü erkennen, wie wol Petrus solche erkentniß [E₄] von Cristo hatt vßzüsprechen, als auch geschehen ist Actuum .xv.

Wer in Christlichem glauben ein Concilium hab
zu berieffen vnd versamlen.

Ich kumb darnach vff die drit maur, wer ein Concilium
in Christlichem glauben hab zu erwecken vnd zu ver-
samlen, der papt oder gemeine Christenheit, in welcher
fragen, Ich alle lerer zweitrechtig sind, etlich sagen daz
solches niemans gewalt hab zu thun dan der Papt. Der
ander teil des du bist, sagent daz in denen worten Christi,
sündet dein brüder wider dich Matheh .xviij. 2c. so straff
in, zwischent dir vnd im würt er dan vnstrefflich entlich
erfunden, als dan sol ein ieder gewalt haben ein concilium
zusammen bringen vnd zu erwecken, mit silen der gleichen
vnbewereten worten vnd reden, daz die apostelen daz con-
cilium zu Hierusalem gehalten die .xij. botten alle vnd
die elstisten berieffet haben vnd nit sant Peter Actuum .xv.
Wil ich zu dem ersten dir antwurten vnd darnach mein
meinung sagen, Vnd sag erstlich daz das selbig Concilium
die apostelen vnd die alten sollent berieffet haben nit
stant in dem text der heiligen geschriff, vnd mißbruchest
dich aber der gschriff nach dehner gewonheit, vnd zeigt
vff ein ort da sol man finden, vnd so man da süchet so
sint man nit, ist daz vß der heiligen gschriff reden daz
man allein sprech da vnd da stat daz, es sei oder sei nit
so künt sich dermassen ein ieder dropff der gschriften
bruchen. [E₄^b] Ich find aber wol da selbest, als Paulus
vnd Barnabas gen Hierusalem kament, daz sie seint ent-
pfangen worden von den apostelen, vnd den alten, daz aber
Petrus die selbig versamlung nit hab zu berieffen, vnd
das es die apostelen vnd die alten berieffet haben daz stat
nit da, Darumb du gar nit mit dem selben text beweret
hast, vnd also zweiffelhafftig nit bestminder belibet, ob der
papt daz Concilium hab zu berieffen, oder die gemein
Christenheit, in welchem zweiffal ettliche vß gunst dem papt
zu sil zugeben die andren als du vß vngunst dem papt
zu sil vnderstaft zu nemmen.

Darumb dunckt mich daz beyde parthen nit recht
haben so die ersten on geschriff erschinen, vnd du mit
geschriften zu deiner meinung ganz vnerschüßlich, wellent

wir das mittel treffen vnd dem bapst seinen gewalt behalten, vnd die gemeine christenheit ired rechten nit entsetzen. Vnd sagent erstlich wo ein irthum vnd vffrür in dem glauben beschehe, das die gemein etliche botschafften von den aller trefflichsten soltent verordnenen zu der oberkeit christlichs glaubens, das bewer ich. Actuum .xv. da stat also geschriben das ettliche von iudea lerneten die brieder wen sie nit beschnitten würden nach dem gesatz moysi so möchten sie nit selig werden, vnd ist also worden nit ein kleine vffrür, das also Paulus vnd Barnabas wyber sie vnnd andre mer von andren verordenet worden zu Petro vnd den apostelen vnd alten des glaubens von inen, in solchem span vnd der vffrüren ein bericht zu bringen vnd ein entlichen abscheidt. So nun Paulus vnd Barnabas [F.] fürtreffliche personen sein des glaubens, vnd von der gemeinen cristenheit zu den oberkeiten des glaubens gesendet worden sein in solchen grosen vffrüren, ist wol zuuerstont ligt der manlichen tütschen nation etwas an gegen dem bapst so den glauben so auch andere beschwerden betreffen, sol man billich in namen obgenanter vnserer nation ein trefliche botschafft zu dem bapst vnd den oberkeiten vnserß glaubens verordnenen solche vnser not fürwenden zu beklagen, mit ernstlicher bit, vß irem gewalt ein Concilium gemeiner cristenheit zu versamlen, wa vnser anligen on daz nit möcht hingeleget werden, wil in ganzer vnd solkumner hoffnung sein, das bapstliche heilikeit, wa ir etwas an vnß tütschen gelegen ist, daran ich nit zweiffel werd vnser not vetterlich erhören, also laß ich zu, daz den glauben zu retten, es sei wider die tüffliche gewalt, menschlichen oder sunst wider wen es wol actio publica sei, daz ist iederman erlaupit, von der gemeinen cristenheit zu klagen, für zu bringen, vnd den richtern wissen zuthun, als auch in allen andern rechtlichen hendlen anslag der beschwerden, iederman zugelassen ist, vnd vnuerbotten, auch aller meist hie in sachen vnser selikeit betreffen, vnd die oberkeit, so sie des ordenlichen gewalt hat, sol sich darin geschidlichen halten, die gemeine cristenheit zu beriefen, ein frei cristlich vnd ungezwungne versamlung zu thun. Also bleibt der oberkeit ir gewalt ein gemein Concilium zu beruffen, vnd

den vnderthonen ire gerechtigkeit vngeleget, das sie ire not vnd anligen billich beklagen mög, das inen von einer gemeinen oberkeit aller cri^[F₁^b]stenheit mög ein tröstlicher vnd warhafftiger abscheid gedeyen. Dan wa man das obgenant capitel der selbigen grosen vffruren ermessen wil, ist es nit anders hingelegt, erfordert gehalten vnd geendet worden, dan wie ich gesagt hab. Vnd dunckt mich ganz und gar zů einem bundschů dienen, vnd einer schelligen, wietenden, vnd vnfinigen vffruren, die so bald wider dy erwecket ist als, wider iemans anders das man der massen mit schmachbüchlin, vnd mancherlei scheltworten der gemein geben wil, daz billich der oberkeit zůgehört. Aber har gegen ganz der götlichen geschriff gleichformig, daz ire beschwerden die vnderthonen vernünfftig fürtragen, vnd die oberkeit inen durch iren gewalt zů hilff kum, das also ir beider ampt vnd gerechtikeit erfordert werb, vnd nit also von vnderthonen vffrürigen gehandelt sei, so bald zů bösem als zů güttem.

Wa du aber sprichst, die oberen der papst würt vnser treffenliche botschafft verachten, da kan ich nit vor dem herren fischen, vnd versihe das mich ganz nichts zů dem papst, sunder ich glaub er werd die botten vnser nation vnd von vnß gesandt lüt aller völden recht mit eren empfangen lassen vnd halten, wa er aber das nit thet, als dan möcht billicher wider in mit sicherheit geklaget werden, dan iez vnicher prophetiert. Ich bin auch in festem glauben, sei es vberlein das fürnemen vnser durchlüchtigen vnd großmechtigsten künigs daz ein concilium werd zů besserung vnd reformation der cristenheit, mit sampt dem willen vnserer durchlüchtigen churfürsten, fürsten vnd herren, geistlichen vnd weltlichen, ^[F₂] es werd mit füglichem mittlen wol durch sie erfordert on alle vffrür vnd einicherlei bezwangniß der vnderthonen.

Warumb doctor Luther ein Concilium begeret.

Du begerest erstlich darumb ein Concilium, das der papst ein solchen grosen bracht fürer, das in kein künig oder her diser welt erreichen kün oder mög, seze ich

dem concilio heim zů ermessen, dan es vnserm glauben weder gibt noch nimpt, vnd vnser meinung nie weiters waz dan vnsern glauben zů retten mit disem vnserm schreiben.

Zů dem andern hastu ein mißfallen das er sich den aller heiligsten laset nennen, so er doch weltlicherß wesens ist dan die welt selber, das ist ein kleine vrsach ein concilium zů erwecken, dan wir cristen sein alle heiligen genent an vilen orten der sendbrieffen der zwölffboten, so ist er aller heiligen, das ist aller cristen heilig, daz ist der aller heiligst nit in betrachtung seiner personen, sunder in ansehung seins ampts, als wenig wir cristen alle heilig sein mit vnsern werden, sunder angesehen den heiligen cristlichen stand, daryn wir sein.

Zů dem dritten, das du meinst es sei ye zů vil das er drei kronen trag.

Darzů sag ich, was ist gott so sunderliches in dem alten gesaz daran gelegen [F_2^b] gewesen, den obersten priester zů gebieten, also erlich vnd kostlich zů kleiden, sein haupt mit gold vnd silber, seidin vnd edel gestein zů zieren, mit schellen vnd so einem kostreichen gürtel, mit einem halben mon, in dem der namen gottes geschriben stünd, als dan in den bűcher Moysi ofenlich geschriben stot, dan daz solchs alles zů der eren vnd maiestat gottes mer dienen solt, dan zů einer hoffart des obristen priesters erachtet wůrd. Also sag ich vil billicher hie, das solche krůnung der drei kronen, die maiestat ist der heiligen dreifaltikeit vnd vnserß glaubens me dan es für ein hoffart ist zů achten, es achtet auch solche kronen niemans anders für ein hoffart dan du, so du dir ein mal für genumen hast du wůllest alle ding zů dem bůßisten vßlegen, doch so es dem glauben weder gibt noch nimpt laß ich das ston, als ein mießfige hnred von dir gethon, dan es billich für kein kron der hoffart von frumen cristen sol gehalten werden.

Zůhest vil geschriffst da bei hn, das er solt ein deműtigs exempel fürtragen, das ist auch war, daz du aber sehest das die drei kronen nicht sein des papstes, so nim des crůßs war das vff den kronen stot, daz wűrt dir wol ein anzůgens geben, das solche kronen vnd eer sei

des crüzigten gots, des er ein stathalter ist, vnd nit des bapsts. Ich laß mich es auch nit irren das du sagst cristus hab vor Pilato bekennet, das sein reich nit hie sei in was meinung er das geret hab, ist wol zů ermessen, so dy er das geret hab, ist wol zů ermessen, so dy anslag der iuden was, das er sich solt für ein künig vff werffen wider die römer, als der den römern vnderstünd ein zeit [F₃] lich künigreich züentfrembden vnd zuden, sich billich verantwort, das der massen er kein künigreich vff erden het, hat aber dabei nit verlögnet, sunder dapffer gestanden, daz er ein geborner künig wer des iudischen lands vnd reichs darumb ist dein ynred niendert für, sunder ein lere red.

Die klag die du fürest wider die Cardinal, das sie der cristenheit zů verdampnis vnd zerstörung erdicht sein, seh ich zů erkantniß des Conciliums, deßgleichen auch von den tütschen Cardienalen, von den annaten, vnd sechs monaten, die pfründen zů verleihen, vnd andere vil beschwerden vnd mißbruch, die du nach der leng fürwendest, wie vnß der bapst mit denen alles vnser güt vß sug, biß vff das marck im bein, vnd müssen vnser tütsch land schier alle fünff iar wider von im erkauffen, vermeineß er sei kein hirt, sunder ein schedlicher wolff, vnd schedig die cristenheit me dan kein Türck ie gethon hab, vnd solchen geiz erzelestu mit vilen vnd dapffern worten nach der leng, mit hohen begirnden vnd bit zů allen tütschen fürsten der gemeinen vnd fallenden cristenheit zů hilff zů kummen 2c. Laut deiner artickel.

Darzü sag ich als ein alter wolff der solche geschrey mer gehört vnd verlesen hat, mit namen bei keiser Sigmundus zeiten, der auch ein reformation gemacht hat, was competenz ierlich ein bapst haben sol, Cardinel, bischoff, thümherren vnd andere. Es ist aber wider vff den schlack kummen, wie es dan iez ist. Item ich find in Fasciculo temporum also geschriben. (Nota que hoc anno crebre leguntur reformationes facte que inter omnes de [F₃^b] fierunt propter mortes venerabilium patrum. Das ist also vil zütütsch. Merck das in disem iar gelesen werden, daz vil reformation vnd ermanung geschehen sein die nuer, doch alle abgangen

sein, von wegen der töd der erwürdigen veter. Also ist hie auch zu mutmassen, so groser kosten ein concilium zu versamen geschehe, vnd die christenheit mit groser arbeit sich erhöb, so würd es alles bestendig bleiben, wie alle menschliche handel bestendig sein biß har bliben, mit namen so ich verstand, das der Papst auch her wider begere, wöl man in reformieren vnd sein Cardinäl, sol man dar gegen auch alle bischöff, ept, thümherren vnd prelaten der cristenheit auch reformieren, vnd iren bracht ab thün, meiner achtung ein billiche bit eins vmb das ander. Ich besorg das feuer sei allenthalben in dem dach, vnd werd alles schlecht, ob schon ein concilium würd on der hirtenseden, vnd bleiben dannocht herren, herren, vnd arm lüt, arm lüt, dan das der kosten ober den armen gat, vnd im dannocht ganz nichts geholffen würt, oder ob im schon geholffen würd, so weret es ein vesper vnd ein feheraben, das man darnach mög in das bad gon.

Nun ist aber vnser meinung gar nie gewesen, von disen mißbrüchen zu reden sie zu versprechen, oder in einicherlei weg vnß der selben zu beladen, dan allein waz vnseren glauben berüren möcht.

So ich aber das maul so weit hab vff gethon, so muß es doch herauß, vnd gib der besten meinung zu verston, [F₄] so ie ein concilium erfordert würt, das vor allen dingen ermessen werd, wer den kosten tragen sol, dan es wil mich ie bedunden, das der adel vnd die burgerschafft mit sampt allem weltlichen stand nichts damit zu schaffen haben, wie die geistlicheit ire mentel oder pfründen kaufen, oder verleihen also, das sie des sollen enicherlei kosten tragen, dan nach ihrer anzal, wa etwas irendthalben vnd von des gemeinen glaubens wegen solt tractiert werden, als dan wer billich, das sie sich irer rat vnd anzal nit sperretten. Mit weiters wil ich daruon geret haben, was mißbruch oder beschwerden sein, vnd seß das genzlich keiserlicher vnd Hispanischer Maiestat, mit sampt den durchlüchtigen Churfürsten vnd fürsten zu ermessen, ob ein Concilium sol begert werden, oder dise beschwerden sunst mit geschickten mittlen möchten hingelegt werden. Dan es wil mich ie bedunden, alles das Luther fürwendet, sei

des groſen koſtens vnd der müe nit würdig ein concilium zu begeren, man wiß dan vorhin wer den wirt bezale.

Ich het vermeint, ſo du also trefflich nach einem concilio ſüfftzeſt, du würdeſt dem ſelben zukünfftigen Concilio erſantnuß (vnd billich) heim ſetzen, durch den heiligen geiſt allen mangel vnd breſten zu erſtatten vnnnd beſſeren, ſo laſtu ein ſolichen rechtlichen weg fallen, vnd ſaheſt an tödlich zu handeln.

Erſtlich mit den Annaten, das ein ieder fürſt, adel, ſtatt, in iren vnderthonen friſch an gebiet die Annaten gen Rom zu geben, vnd gar ab zuthun, dunckt mich vß [F₄^b] el geraten, das die vndern das on Keiſerlichen beſchluß thügen. Dan du haſt ob geſagt, es haben vor zeiten tütsche keiſer vnd fürſten verwilliget dem bapſt die annaten vff allen lehen tütscher nation hnzünemen. Haben nun die keiſer verwilliget, warumb wolt dan iemans der minder wer dan der keiſer on ſein wiſſen vnd willen daz abthun, daryn er verwilliget hat. Darumb dunckt mich die annaten ab zuthun, dem keiſer billicher zu gehör, dan den vnderthonen.

Weiters rateſtu dem tütschen adel, daz ſie hinfürt kein lehen mer laſſen gen Rom ziehen .xc. Laß ich ſton für ſeinen werb, ſo fer, daz im niemans in eigner ſach vrteil ſprech. Doch vertrauw ich dem frumen adel, das ſie ſich wol wiſſen darunder zu halten.

Vnd wil mich kurz abfertigen in allen den ſtuden dy vnſern glauben nit berieren, vn in der taden ſtond, vnd nie in dem rechten dan ob das oder diß güt ſei, wil me in erfarener fürſichtikeit ermeſſen werden, dan in büchlin verſchriben. Darumb laß ich das die hochuerſtendigen vnd die oberkeit vnſers glaubens verordnenen, welcher ſachen ſich die Offitiel ſollen vnderziehen, oder ob ein gemein conſiſtorium in tütschen landen ſol vff gericht werden, vnd kein Curtiſan die prieſter laß citieren, die vorbehaltenen Caſus vnnnd ſell ab zu thun, auch die Päpſtliche vorbehaltung, daz der bapſt offitia vnd ſein hoffgefinde mindre, die verpfflichtung in eids krafft nit me beſchehen ſollent. Das der bapſt vber den Keiſer kein gewalt habe, Der keiſer im auch nit ſol ſchuldig ſein zu hulden. Der [G₁] bapſt allein geiſtliche vnd nit weltliche empter vollenbringe, vnd ob

die gab Constantini falsch sey, das er Sicilien vnd Neapolis nit sol lebenher sein, im seine sieß nit sollen geküßet werden, die walsarten gen Rom ab sollen gestellet werden, ettlich clöster abdieg, die münch nit mer predigen vn beicht hören solten, nit so mancherley orden seient die gilüpt der geistlichen ab sey, daz die priester mögen ee weiber nemmen, das interdict abgethon werde, vnd den ban nit mißbruchen, kirchweihung, sil feirtag, vnd fastag, feltkirchen vnderthün, vnd deren gleichen sil, so du in langer ordenung mit leren worten allein vnd on alle geschriff an tag bringst vnd offentlichen beklagest, welche beklagen beschwerden, vnd mißbruch der christlichen kirchen vor dir noch von andren mer treffenlicher seint geklaget worden in Aluaro in dem büch von dem truren der kirchen, vnd in dem büch Speculum humane vite genant, vnd von Erasmo Roterdamo in seiner Moria, vnd in dem biechlin das man nennet de Petro sancto et Julio sanctissimo, vnd in filen Pasquillis, in Triade romana, vnd sil andren mer, wie wol ettlich schmachbiechlin mögen erachtet werden, vnd ist dennoch alles vngebetteret biß har also beliben, Ist es dan gottes wil das es iez sol gebetteret werden, vnd alle mißbruch seiner kirchen nit allein die du nennest, sunder alle andren in allen stenden die du nit meldest, so geschehe sein göttlicher wil in himmel vnd vff erden, wir wellent vnderthenig gehorsamen, wir habent dir auch darüben nit wellen antwurten, so es vnserem glauben weder gipt noch nimpt, auch dich verarg- [G, ^b]wenigen daz du dise ding allein darumb einzühest, dir ein gunst vnd anhang da mit zü erschöpfen daz du deinen bösen somen so du wider den glauben vßgossen hast, da mit gern begertest vßzügön, vnd nit daz dir so hoch daran lige ob die ding alle gebetteret werden oder nit, solchen argwon ermessen wir daruß daz du dise grollen erst vß geschüttet hast, nach dem vnd du in des bapst vngnaden kummen bist, vnd in rach gegen im bewegt so sprichtman ondaz sintz mündt redt nie güt, dan wa du ein gemeiner christlicher ströffer werest, solt dein straff gemein sein, vnd findest wol bei dem adelichen stat so sil zü straffen vnd bei dem peürschen als bei dem bapst vnd dem geistlichen, aber du thüst nüt damit, dan daz du dein

menschliche ansechtungen da mit verradtest, so stat Actuum.
 v. geschriben, Ist es von menschlicher erdichtung, so würt
 es selb zergon vnd in scheitteren fallen, vnd vorab so
 du die ding alle vnderstast on recht sunder dötlich zu be-
 haupten. Es würt von nöten erachtet, ein antwort zü
 geben etlichen vnuernünfftigen die vnß für feind achten, so
 der warheit so auch deütschen nation, alß bald sie hören
 daz wir nit mer den vnseren mund vffthünt doctori Mart.
 lu. zü widersprechen. Nun habent wir in dem anfang
 vnserß schreibens vns dapffer vnd verstantlich protestieret
 vnd bezüget, daz wir allein in den sachen vnserß glaubens
 wellent vnserere meinung zü verston geben, vnd wa wir wider
 Mar. lu. glauben im sein mißverstants nach vnserem ver-
 mögen antwurten, vnd daz mit bescheidenheit, on an dem
 ort da er den papst ein entchrist nennet haben wir vß
 hohem vcrdruß in heissen liegen daz er die höchst vnd
 christliche oberkeit dem teüffel zü henden stellet wider daz
 verheissen christi, vermeinen auch [G₂] daran nit zü sünden,
 daz wir zü rettung vnserß glaubens schreiben vnd in wider-
 sechten, dan wir alß wol christen leüt seint alß er, vnd
 vnß gebüret alß wol vnser selen seligkeit zü ergrinden als
 im, Vnd zü lest vnserere spen zusezen heim gemeiner christen-
 heit ein rechtlichen spruch darumb zü erwarten, vnd den-
 selben zü ston, Habent vnß auch der Römischen mißbruch
 gar nüt wellen beladen, noch die selben verantwurten, als
 die des kein beuelhe haben, hett vns aber vnrecht, vnfrintlich,
 vnd deütscher dapfferkeit vngemeß beducht, das man einen
 vnanklagt vnberieffet, vnuerurteil, der massen sol zerbeissen,
 vnd zerreißen in seinen eren, alß kein hund oder wolff
 betten einen dodten leiben, der noch die oberkeit ist christlichß
 glaübens, vnd seiner würden vnd eren vnd ampts vuent-
 setet. So wil ich in warheit sagen daz nie kein hippen-
 büß schentlicher ist vßgerieffet worden dan der Papst, vnd
 wen er ie ein mörder were, oder der bößest vff diser erd,
 so solt doch mit im nit also dödtlich sündler rechtlich gehandelt
 werden, ein solcher freuenlicher mütwill belib den iuristen
 wol vber, aber den Theologen, vnd lerer der geschriff vnd
 des ewangeliums, mag das nit vberbeleiben.

Darumb das wir es noch mit dem Papst halten sol

uns nit in argem verfüreret werden, inder zů güttem daz wir es von iedem güt meynen biß er mit recht überwinden iß, wie vil mer von dem Papst.

Ir solt auch daz von uns wissen, daz uns vmer offrierigs fürnehmen wider den papst nit würt bewegen, er hab sich dan vor verprochen vnd ien zů verhöre kumen, darnach wir [G₂^b] dan vß seiner antwurt hören, wellent wir uns halten nach gelegenheit der sachen als frum, dapffer, christen leut, wellent ir uns dan ie umb des willen feint sein, das wir zů den sachen unsers glaubens reden, vnd den Papst nit wellen vertreiben es sei dan vñ in bracht mit recht waz ir von im vßgeben, in dem nammen gotts das miewen wir leiden, in hohem vertrauen das die frummen deütschen uns best hólder seient, so wir dem papst weder helffen noch enthelffen in solchen mißbruchen, allein das rieffen, ratten vnd schreiben, das man got zů eren solches mit recht vnd christlicher messigkeit vollende, vnd nit mit solchen schmehe-lichen gschriften, wo ir dan ie dise vnser entschuldigung vch nit lieffen ersettigen, sunder wie ir truwen mit uns beren zu sachen vnderstünden, solt ir vñß der massen nimmer also kleinmietig erachten, das vñß vwere trów wort von vnser dapfferkeit abziehen, vnrechtlichs zů vnderston bewegten, wer weiß wer dem letzten beren die hut würt abziehen, vnnnd den andren schenden ich wolt gesagt haben schinden.

Das keyn gemein in stetten hab gewalt ein bischoff oder pfarrer zů setzen.

Du bringst aber ettwas nūms harsfür wie daz wir vß dem apostel Paulo lernen klerlichen, das es in der christenheit also solt zů gen, das ein iegliche stat vß der christlichen gemein, einen gelerten, frummen burger erwelet, [G₃] vnd dem selben das pfarampt beuillhe, vnd yn von der gemein erneret im frey wylkur ließ eelich ver- mehelet werden oder nit. 2c. Vnd daz sol sant Paulus schreiben i. Thimo. iii. vnd Ti. i. Darzů sag ich daz an deren orten keinem stant das in die gemein mög ein pfarrer welen der vß solcher wal hab die sacrament zů ministrieren, du thūst sant Paulo vnrecht, vnd weist uns aber zů sūchen

da wir nüt finden nach deiner gewonheit, wol stat da was eigentschafft ein bischoff haben sol, das yn aber die gemein zů erwelen hab, vnd in krafft der election mög die sacrament ministrieren, daz findestu aber weder da noch anders wa, es stat wol da das sie weiber mögen haben, aber zů dem selben woltestu vns gern das auch drein verschlagen daz die bischoff eyn gemein hab zů erwelen, das nit ist.

Es stat wol das widerteil da Ti. i. Schreipt sant Paulus zů Tito. Darumb hab ich dich zů Creta gelassen, das du was da manglet, besserest, vnd sezeß in den stetten priester, alß ich dir verordenet hab, hörestu das Paulus schreipt Tito dem bischoff priester in steten zů sezen, lut seiner ordenung die er im verlassen hatt, vnd nit der gemein die ir leptag nie gewalt hat vß götlichen gschrifften priester zů welen oder machen.

Des gleichen ist Timotheus von sant Paulo vnd nit von der gemein gesetzt oder erwelet worden .i. Ad. Ty .iiii. Du solt nit versumen die genad die in dir ist, die dir geben ist durch die prophezey, vnd vßlegung der hend der priesterschafft, vnd .i. timo. i. Vmb welche vrsach ich dich ermant, daz du erwedest die genad gots durch die vßlegung meiner [G₃^b] hend. Vnd ca. ii. das beuilhe gleübigen menschen die geschicht sehent ander leüt zů leren, Warumb gipt er dir beuelhe nit der gemein, oder wa hastu dein leptag gelesen so ein priester würt durch vßlegung der hend, daz die gemein ie menschen die hend vffgelegt hab, ob du aber sagtest sye hetten das den bischöffen in irem nammen beuolhen zů thün, Doce de mandato, daz zeig vns mit gschrifften an.

Darumb hettestu es wol bei den götlichen gschrifften an so manchen orten lassen beleiben, das Cristus der erst priester vnd ewig, die apostolen verordenet hab zů priesteren vnd die apostolen weiter verordenet haben andre zů priesteren, vnd leuiten alß von sant Steffan stat in den geschichten der .xii. botten.

Das aber ein bischoff vnd ein pfarrer ein ding sei vnd sant Paulus das sprech, oder auch Hieronimus, daz sag daz würt sich nimmer finden, aber daz wil ich wol glauben daz in anefang vnserß glaubens die bischöff der priester empter geiebet haben, da durch möcht erachtet werden,

das es ein ding were so es doch nit ist, dan als noch nit priester verordenet waren, müsten die bischoff priesterliche empter tragen, als so die knecht nit zu huf seint, muß der her zu disch dienen, vnd ist dennoch ein vndercheid zwischen dem herren vnd den knechten, was aber vndercheid sei vnder einem bischoff vnd priester, würt zu seinen zeiten vß der geschriff darthon werden, dan die bischoff, als bischoff seint von keiner christlichen gemein vber die pfarrer gesehet zu regieren, sie habent wol sunst von den Conciliis gewalt empfangen daz laß ich iez ston. Der priesterlichen eeweiber halb [G₄] erstreckstu ein lange red, wie es besser were daz man yn gestattet eeliche weiber dan also vnshamhaftige beischlefferin zu gestatten, daz laß ich alles ston, dan es dem glauben weder gipt noch nimpt, In dem namen gots wil die gemeine christenheit daz ie wider zu lassen, ich bin des wol zu friden, es werd gestattet pfaffen, munchen, oder pfarrerstant.

Du sprichst das der Papsit nit macht hab küscheit in gelüpde zu entpfohen oder den priesteren zu gebieten als wenig er macht hab zu verbieten essen vnd drinden vnnnd den natürlichen vßgang oder seißt werden, das dundent mich ergerliche wörter, rechestu es ie gleich, warumb gebüt got vnkeüschheit zu meiden denen die nit in eelichem standt seint, sie möchten mit dir sagen essen vnd drinden vnd anders auch muß sein vßgang haben.

Es ist auch ergerlich geredt von allen lieben heiligen mit nammen von sant Paulo der das den stich Sathane nennet vnkeüschheit so in anfochte, vnd du vergleichest es einem natürlichen vßgang. Wie haben die heiligen so grosse angst vnd not gehabt die vnkeüschheit zu widerfekten von dem du sagst es vergleich sich einem natürlichen werd das nit kan vermitteln beleiden.

Erfordret iez in der latinschen kirchen der priesterlich stat keüschheit, so ist wol zu ermessen, daz solches ob es ein priester wol hart ankumpt, nit destminder mag er küscheit halten mit der hilff gots, vnd ist nit also vnmüglich als du es machst, sunst miesten wir des gleichen reden von allen andren menschen deren etlich in eelichem stant keüschheit gehalten haben. Verneß darnach zwei stück meiner achtung

vnbillich, so sich einer [G.⁴^b] priester weihen laßt sol er sich widren, die keüſcheit zü verſprechen, dan niemans den engliche ſtercke, vnd himliſche macht mög küſcheit halten, was iſt dan daz Criſtus ſagt Mathey .xix. das etlich inen ſelb vßgeworffen haben (verſtand in dem herzen) von wegen des reichs der himmel. Zü dem andren wie man ſol ein ſolche byſchlefferin dem bapſt heimlich ſtelen für ein eefrauw, alß die iuden iren verdienten lon den egiptiern ſtalen, das iſt gar ein vngleichs exempel harzū, vnd ein vngeſchidter ſattel vff diß roß, dan ſtelen iſt verboten, darumb miestu vorhin darthū das die concubin ſein verdienter lon were, Vnd zü dem andren das ſolches zü thū got geheißen hatt, Ich ſind aber nit daz hendert got hab also gelernet eefrauwen ſteelen, Darumb ich ſil ee radten wolte einem der küſcheit nit wil geloben daz er nit priester würde, ſunder ein eeman ſo darff er des diepſtals nüt, man ſol vffrichtig vnd nit düdiſch oder dopel handeln, nein vff der zungen haben, vnd ia im herzen, vor dem bapſt ſie für ein eefrauw verneinen, vnd vor got veriachtzen.

Du. meiniſt der Bapſt hab ſil ſelen zü dem teüffel verſieret, mit der gelopten vnd erfordreten keüſcheit, daz iſt aber keinem menſchen wißlich, wer weiß aber wie ſil dagegen mit der gelübten der küſcheit ſeint ſelig worden, Darumb du nit vß ſolchen vnſicheren reden ſolteſt gezogen haben, daz der Bapſt würdig were vß dem ertrich zü vertreiben, du klagſt vnd retſt ſil, vnd bringſt nüt bey, oder bewereſt nüt, macht alles deine vermessenheit, daz du vnß also borecht achtſt, alß ob wir deinen worten wie dem [G.] euangelio glaubten.

Du ſagſt es ſei nie gütß vnd werd auch nimer gütßß vß dem bapſtenthūm kumen, wer billich das du des ein anzögens theteſt, got hat vnß in dem euangelio ein oberkeit geben, deren ſollen wir billich in zimlichen gehorſamen, es nimpt mich wunder, wa du mit deiner heiligen geſchriſt bleibeſt.

Nachgonds ſagſtu, got hab gebotten, das man vnd weib niemans ſcheiden ſol, daz iſt war. Mathey .xix. Es ſtot aber gleich auch dabei, das etlich küſcheit angenumen haben, von wegen des reichs der himmel, zü latin. Sunt enuchi

qui se ipsos castrauerunt propter regnum celorum. Dabei klarlich mag beider stand von got beweret sein der eelich, vnd der iundtfreunlich. Darumb es mich dunckt du gebst dem eelichen zů vil zů, so du sie billich beid lieffest bleiben, vnd doch den iundtfreunlichen den höchsten erachten. Das du aber sagst, das man vnd weib niemans scheiden sol, daz ist war in eelüten. Wie kan aber der ein eeman sein, der nit in eelichen stat zů verwilligen hat, sunder küscheit gelobt zůhalten, so ist es doch in seinem freien willen gewesen. Ich glaub das die cristenheit nit ungenottrengt die gelübden der küscheit von der priesterschafft erfordert hab. Wan sie es wider einhellig abthūt in dem namen gottes, als dan wöllen wir vnß gehorsam erzögen, dunckt mich erlicher dan also eefrawen lüginhaftig stellen, es sol mit den Sacramenten nit also diebsch, sunder dapffer vnd warhafftig vmbgangen werden.

Item du sprichst daz in dem ganzen bápstlichen gesatz [S.^b] nit drei zeilen sein, die ein frumen menschen möchten vnderweisen, befremt mich daz du vff dem fischmarckt brot kauffen wilt, vnd vff dem rathuß betten, was wiltu vnderwissen sein andacht, daz such du in dem euangelio, du darfest das in den geistlichen rechten nit suchen. Wiltu aber des rechten in geistlichen hendlen bericht sein, das findstu da selbst, vnd retzt das mit der vnwarheit, das nit drei zeilen darin sein, die ein frummen Cristen möchten des rechten vnderweisen.

Aber mit der file der gesatz, da halt ich es warlich mit dir, das vil da sein gebotten, daz beser wer sie weren ab, vnd gib dir des ein verstand, erstlich mit fasten, du weist daz wir tütschen nit gern fasten, got geb man gebiet zů fasten oder nit, vnd thūn dannocht vnrecht daz wir wider die verscribnen gebot sünden, wan sie gütlich abgethon weren, so weren wir der sünden entladen. Deßgleichen mit sehren sitzen wir vnd sehren vff den stuben in der kanten, in dem bret, vnd an dem dank. Bei den zweien stücken verstant die andern alle. So nun on allen zweiffel solche gebot got vnd den lieben heiligen zů den eren der aller besten meinung vff gesetzt sein, vnd aber iez der meinung nit me wöllen gehalten vnd verstanden werden, dunckt

mich geschidter geraten, das man alle solche gebot vnd beschwerden vßzüg vnd anzögt, mit gemeiner bit vnß solcher beschwerden zü entladen, vnd nicht also mit feusten daryn schlagen, vnd den blunder gar verwerffen, vnd ein ratten hauffen daruß machen, wie du aber eins mit zornigem haupt geraten hast. [H₂]

Auch kan ich das nit für gon: das du sagest, der pafft verbiet den eelichen stand, vnd des müß goß gebot vnder gon, vnd der eelich stand. Darzû sag ich, das zû heuraten oder zû der ee greiffen niendert geboten ist von got, sunder in freiem willen stand, vnd wa du das harsfür zûhest, in dem büch der geschöpff wachsen, vnd meren eüch .xc. Das ist kein gebot, dan wa einer nicht wüchße, so thet er wider das gebot, wa es ein gebot were, vnd sündet. Nun ist aber wachsen in vnserm gewalt nit, aber die sünden sein in vnserm gewalt.

Mit den vorbehaltenen sünden, das die oberkeit inen etliche sünden vorbehaltet die nit ein ieder priester hab zû absoluieren. Sag ich darzû es ist anfenglich in der besten meinung beschehen, daz solche schwere fel, als morden, iund-frawen schwechen .xc. Vnd andere dergleichen, dest weniger geschehen, wa sy nit leicht gnab, vnd geringes nachlassen sünden, wil aber ie ein mißbruch vnd ein kauffmanschaz daryn kumen, in dem namen goß, so werd das mit andern mißbrüchen auch gebessert, aber nit nach deinem rat, das gleich so solch fel nit weren abgethon, dir wolt gebüren, deinem brüder oder deiner schwester, wer die weren zûbeichten, vnd von inen absolution erlangen, dan got den priestern gewalt geben hat, die sünden zû binden vnd zû entbinden, das ist dareyn zû erkennen, vnnnd nicht einem ieden leyen, es were dan sach das du allen fleiß anköret hettest [H_{2b}] priester zûüberkumen, vnd dir nit müglich wer priester zû haben, als dan gibt dir die not zû, einem leyen zûbeichten. Aber so du priester hast, so beicht im alle dein sünd, ob er dich schon von den vorbehaltenen sünden nit wil absoluieren, so schaffstu dannoch mer das selbig einem priester, dan einem schlechten leyen zû beichten, daruon wil ich iez nit geflißner reden.

Es wer auch not, das die iarzeit, begendniß seelmessen

gar abgethon, oder ye geringer würden, das solches gut wer, verstand ich nit, daz du aber vermeinst, sie werden geschnattert vnd on andacht vollenbracht. Darzû sag ich der gleich mieß auch alle administration gûter werck abgethon werden, so niemans wißlich ist, mit waz ynnwendigem andacht das geschicht. Es ligt auch sunderlichs nit vil daran, mit namen vbung der Sacrament an dem andacht des priesters, dan sie haben ire krafft vß dem verdienst cristi des stifters. Vnd ob du schon vil meinst in dem iar nur einen herz ernstlichen vnd andechtigen iar tag für alle gûttäter zûstifften, sag ich das solchs nit müglich sy von dem menschen zûstifften, den des hertzens andacht kan allein got erwecken vnd erkennen vnd ob man schon alle vßenwendigen anzögunen eins erdichten andachts thet, so das herz da bei mag falsch vnd ful sein, darum bleibt es billich bei der vßenwidigen kirchen vffsagung der vigilien vnd messen, dan von verborgenen dingen vrtheilet got vnd nit die kirchen, dan ob schon des priesters personlicher andacht nit dabei ist, so ist doch der kirchen andacht dabei vnd des frumen stifters [H₃] vnd das ist gnüg vnd me erschüßlich zû ewiger selikeit so einer gemeiner cristenheit andacht bit, dan ein einzige person.

Aber das Mathei .vi. daz vil wörtig gebet verboten ist von cristo, ret er von sunderlichem gebet eins ieden, vnd nit von den gebetten vff gesagt von gemeiner cristenheit, er müß sunst den psalter auch abthûn, das nie die meinung cristi was.

Du blassest auch hoch vff von wegen des interdicts, das es der tüffel hab erfunden daz es der böß geist erdacht hat. Dan wie du sprichst, ist es nit ein tüffelsch werck, das man ein sünd bessern wil mit vil vnd grosen sünden, es ist ye ein größere sünd, daz man gottes wort vnd dienst nider legt, dan het einer .xx. bapst vff ein mal erwürgt. Darzû wolt ich lieber lachen dan antwurten, dan an villen orten magstu wol mit vermeintem andacht raten vnd reden, aber was zû dem rechten dienlich ist, bistu meiner achtung nit ganz bericht, das hab mir nit verubel, also möchtestu auch sagen, wa, vmb einer sachen willen land vnd lût verderbt würden, vnbilich wer von einer taden wegen so

vil gûts ab zûthûn, das durch die môcht beschehen die rechtlich gestrafft vnd verderbet werden, ich wolt dir hie tusent exempel geben auch vß der heiligen geschriff, so ist es nit von nôten, dan in solchen fellen der rechtlichen straffen die sach vnd nit die nach folg ermessen würt, also wan einer gemôrdt het, solt man in auch nit töden, sunder das noch vil gûz durch in in seinem leben beschehe, solt lassen leben. So nun das interdict [\S_3^1] ein straff ist des rechten, sol nit betracht werden waz gûz solche straff hindere, sunder was gûz solche straff rechtlich fürdere, darum die straff nit der tüffel erfunden hat sunder die sünd, vnd got hat die straff vber die sünden erfunden.

Wie der ban sol gebraucht werden.

Wen dem ban das du sagest er sei iez ganghafftig vmb das zeitlich gût, der solt auch gereformiert vnd gebeseret werden, das er nit würd gebruchet, dan in denen felen, die in der geschriff sein angezôgt, da bin ich nit weit von dir, vnd sag in wahrheit, das die ordenlichen richter den ban zû vil vnd me dan zû vil mißbruchen, zû grossen schanden der cristenheit, vnd vnserem heiligen glauben, als ob sie mit einer art ein floch ermorden wolten, ein solche grosse straff oft vmb ein hellerlin bruchen, so es doch an dem tag ligt, das die heiligen .xii. botten den ban nur in trefflichen sachen haben gebruchet des zôg ich dir fier ort an. Das erst ist Actuum quinto als Ananias vnd saphira die gemein der cristen betriegen wolten, bannet sie Petrus beid, das sie vor im des gehen tods starben. Das ander ist Corinthheos .5. spricht sant Paulus. Es würt warlich vnder euch erfunden vnkeusheit, deren gleichen nit ist vnder den heiden, das einer die haußfrau [\S_4] seins vatters nem zû der ee, darumb sol von euch hingenommen werden der, das gethon hat. Ich abheimsch mit meinem leib, aber gegenwürtig in dem geist, hab iez geurteilt das der gegenwürtig, der solchs gethon hat in dem namen vnseres herren vnd gottes Jhesu cristi, so ir versamlet sein mit meinem geist in der krafft des herren Jhesu, den menschen zû geben dem tüffel, zû sal seines leibs, das sein seel behalten sei

in dem tag vnserß herren Ihesu cristi. Das drit ort ist .i. Ad Timo .i. In welchem glauben etliche vß verachtung geschiffbrücht haben, vß welchen ist Himeneus vnd Alexander, die ich dem tüffel geben hab, das sie lernen nit also lestern. Das fiert ist Ad. gala. i. Vnd ob schon ich ober ein engel von dem himmel anders das euangelium lere dan ich üch daz verkündet vnd gelernet hab, der sei in dem ban. Diß sein fier ort die ich find, in was sachen die zwölffboten den ban gebrucht haben. In dem ersten fal, darumb daz Ananias die gemein hat wollen in zeitlichem güt betriegen, wil mich bedunden, du thügest im zü vil daran, das du sprichst, man sol den ban nit vmb zeitlich güt bruchen.

Nun hat in doch sant Peter in Anania vnd Saphira vmb zeitlich güt gebraucht, darumb glaub ich das man den ban auch in zeitlichem güt bruchen mög, aber zü groser selzameit, wa iemans in zeitlichem von dem andern betrogen würd. In dem andern fal, wa verbotenlich geweibt würd, wie ob stot, daz einer seins vatters frauwen zü der ee nem. In dem dritten fal wa in dem glauben geirret würd. [H⁴^b]

In dem fierden, wa etwas wider den glauben geprediget würd. Vß welchen fier felen klarlich ermessen würt, das der ban nicht in so leichtfertigen sachen solt gebrucht werden. Auch dabei, das der ban in zeitlichem güt mag geübet werden, lut des ersten fals.

Das du aber dabei sagst der ban sol in keinen andern sachen dan in den ob genanten fier stücken gebrucht werden, bundt mich on warheit sein, von wegen der wörter cristi der da sagt Mathey .xviii. Sündet dein brüder wider dich, so straff in zwischen dir vnd im, hört er dich nit so sag das der oberkeit der kirchen, höret er die auch nit, sei er dir als ein vngleubiger. Dan fürwar sag ich euch was ir binden vff erden, sol in dem himmel gebunden sein, vnd was ir vff erden vff lösen, sol in dem himmel vff gelöst werden. Dise wörter cristi thün ein offenlichs anzögen, das in meren sachen dan in den fier obgenanten mag der ban gebrucht werden. Aber seiten mal die zwölffboten den ban allein so in treffenlichen sachen gebrucht haben, ist fast wol zü mercken, daz die richter auch allein in dapffern hendlen den ban bruchen solten, vnd nit vmb

ein halben duxen nestel also die cristen verlüten, verschießen, verbrennen, vnd dem tüffel geben, also daz iez oft die tüffel frümer sein dan die richter selber, so sie die selbigen von in verbanten in der hellen nit wöllen wissen, sehen oder hören.

Ob nun iemans sprech, sollen wir richter den ban allein in schweren hendlen bruchen, wa mit wöllen wir dan die täglichen zend vnnnd heber der christen lüt nider legen, dunctet mich es were vil besser, ir ließen das die [S.] burgermeister in stetten vßrichten vnd ire weltliche oberkeit, vnd gینگt ir in die kirchen, den psalter darfür lesen, wo aber geistlicher sachen ir vch beladen miesten oder billich solten, habent ir noch sil mer andre straffen dan den ban, was aber die straffen seient lügent .i. Corin. v. da spricht sant Paulus, seint etliche brieder vnder vch, vnkeüsch geitig, den abgötteren dientent, vbelredner, drunden reüber, mit denen soltent ir nit essen, da habt ir ein straff vffenwendig des bans das man mit einem weder es noch drind so er das billich beschuldet hat. Item Tessalo iii. habt mit den schulbigen nüt zü schaffen, das sie sich schamen miessen. Vnd .ii. thimo. iii. etlich vermeid ad Ti. iii. ein vngleübigen so du yn zweimal gemant hast den vermeid. Vnd Johannes in seinem andren brieff spricht kumpt iemans zü vch vnd bringet nit mit im dise lere so entpohent in nit in vwer huß, auch griessent in nit. An disen orten habt ir ein güten bericht von mir, das mer straffen habent in den götlichen biecheren, dan den ban die ir möchten bruchen nach gelegenheit der hendel vnd der personen.

Also hastu Luther ein verstand meiner wort als ich anefenglich redt daz ich nit weit von deiner meinung were des bans halb, das man in mag in zeitlichen gieteren bruchen, vnd in sil meren sachen dan in der gschriff angezeigt ist, aber nit so leichtfertig als biß har beschehen ist.

Die andren geistlichen penen, suspension, irregularitet, Aggrauation, Reaggrauation, Deposition, Dondren, blizen vermaledeien, woltestu das solche findlin zehen [S. b] elen dieß begraben weren in der erden, vnd thüst in dem sal wie etlich böse knaben dy in die galgen fülen hauwen, vnd den hanff vßrupffen, vß forcht daran ein mal zü erwürgen, auch wie die bösen kind die ire ruten verbrennen, dan es

mag mit wol bezüngen werden vñ der heiligen geschickte, das solche sünden solent über die bösen jern. Es ist auch nit war, das der mittel die sünden erlöset hat, wie es gesagt ist, das der mittel ist ein erlöser der sünden, und gut ein sündler der abelndien.

Nun hat dennoch das wol mit ungekrieffet bekliden, so gilt es in dem vil gleich als es mit dñen oder andern denen geische, geillent der die nit, so jeng wuß ander an in gotz nammen, es jrit nit, so nimm es nit, das hat das buß gekrieffet wach, da wolent jern der gemain damit liebsten und sie untermlich machen, so nit der jern anders niemant beklidit das der sie verburnet hat.

Der feuring hat das man sie schidig, und mit einem icken gebären solt feuring zu setzen, und das unter rannnen seß oder der zu boten vñ den rining geleyet werden. Ich gebend da radit das vñ solchem grund, das den rinder vñ den stuben, und in den tabernen gemüthlicher werde, und ickennen seinem wort den geistlicher anhang, in was wir des sicker werten, das es also wurd gechehen, het es wol ein gute meynung.

Aber wir sehen das von allen handwerden, so ein ganze noch ist, machen sie inen selbs ein feuring, bundt mich gelegener sein, das; der Bischoff die feuring nach dan die schneider oder schufacher.

Der drinckstuden halb weng ich warlich mit was ich sag, es seindt vil swill zu thun vñ heilige tag verboten worden und oft, Nun laßent wir es se mit wir kument vñ den stuben zūsammen, sollent sie nur das oder diß mit thun, und kan doch der mensch als ein vriegigs thier nit mienig gon, was sollent sie dan thun so sie zamen kument, zu latin omni negationi preest vna affirmatio, Da dūchte mich geradten sein, das ein ieder seyne roden oder hundel mit im brecht, und spūnnen mit eyinander, so hetent wir deß mer gūter hembder. Da bey will ich zu verstou geben, das nil ding geduldet und erlitten mieffen werden, die nit recht seint.

Das man aber die kirchweihungen abdieg, bundt mich nit gūt eincherley andechtigen und loblichen gotts dienst abzūthūn, von des menschlichen mutwillens wegen, dan man miest sunst alle kirchen abthūn. Dan ich niendert ort noch end weiß wa gröffer hūrery, und būleren geschicht dan in

den kirchen, vnd wa sie niendert zammen mögent kummen, sparendt sie das an die heiligen ort vnd end.

Aber man sol vff kirchweihung vor dem bösen sein, so fast man mag, was nit mag gehindert werden, leidt man mit dem guten, (Iut des ewangeliums) vff zů wachsen, biß vff die eer gottes, da er das güt würt von dem bösen scheiden, Das aber got sein eigen gesaß so er von dem himmel geben hatt vffgehabt hab, ist nit war, vnd wider [Z₂^b] die wörter christi Mathei .v. spricht Cristus, ir sollent nit vermeinen das ich sei kummen vffzůheben das gesaß oder die propheten, sunder zů erfüllen.

Woltest auch gern das in den dritten oder fierden, vnd in die geuatterschafft möcht geweibet werden, da redstu gar nit zům zil, der iud hat nit mögen erlitten werden, darumb daz iedes gslecht im zů guten, vnd den andren zů schwerem nachteil vnd vndergand in die nechsten grad weibet, hat menschlich vernunft notturfft vnd zwang erfunden, in die ferre der grad zů weiben, daz menschliche fruntschafft best stanthafftiger belibbe, vnd vß filen andren eehaftigen vrsachen vnnot iez zů erzelen, das nun dir also mit schlechten leeren worten wider einen solchen naturftigen bruch vnd erkentniß der menschen sol geuolget werden, mag nit erachtet sein, ia sprichstu der bapst mißbruchet daz vnd nimpt gelt drumb, Mißbruchet er daz so düt er vnrecht, darumb sol aber das gebot nit abgethon werden, dan sunst wa der glauben mißbruchet würt, solt man den glauben auch abthün, vnd wa man den wein mißbruchet miest kein wein mer gebuwen werden.

Das wir aber frei seient zů fasten vnd essen was wir wellen, gefallet mir wol, doch mit dem vnderscheid, daz es mit demietiger vnd christlicher messigkeit an den bapst erfordret werb, vnd niemans das vß freuel selv vnderlasse.

Die seltkirchen abzůthün ist wider das keiserlich recht, was ein mal gottes ist, sol nit mer in menschlichen bruch kummen, aber hin fürbaß keine mer lassen buwen, daran wolt ich ee sein, dan zů erstörung. Das aber [Z₃] die wunderwerd der teüffel dieg ist schühelich zů hören, so er doch kein wunderzeichen thün kan, dan wunderwerd zů thün allein got müglich ist, Das aber der tüffel auch kün wunderzeichen

thun, weist du uns das stant geschriben Mathey .xxi. Cap. i. das ist war hinder dem offen stont die holzschu da sol sie der drucker finden, hastu aber geirret, das kan ich kum glauben.

Wie kan man aber so vil frummen leuten nit glauben die den wunderzeichen so dapffer kuntschafft geben, so doch in dem ewangelio stat Mathey .xviii. das in zweier oder dreier mund alle kuntschafft stande. Darumb redstu on alle geschriff, das nechst das dir in willen kumpt.

Zwo reden bruchestu nachgonds, Die erst das der Papsst nach allem seinem vermügen, alle kirchen gleich freien, vnd eren sol, die ander sol er im nüt vorbehalten, die erst kan nit beston, die ander sol nit sein, als wenig ein Keyser hederman freien sol, oder so vil er möchte geben, dan sant Paulus schreipt Ro. xv. Nun wil ich ziehen gon Hierusalem da dienen den heiligen, dan es habent Macedonia vnd Achaia anenommen ein samlung zu thun den armen heiligen die da seint zu Hierusalem dan es hat inen gefallen, vnnnd seint ire schulden, dan seint die heiden irer geistlichen gaben theilhaftig worden, sollent sie inen billich in leiplichen notturfftigkeiten dienen. Vß dissen worten wil ich so vil ziehen, ie mer ein ort von der hauptkirchen vnd oberkeit geistlicher genaden entpfahet, sol das selbig ort weiters verpflichtet sein in zeitlichem das zu verdienen vnd beschulden, vnd ie [S₃^b] mer es beschuldet vor andren geeret werden, dan gleich belonen vnd geben verdienten vnd vnverdienten, were ein abbruch alle tugenden zu ieben, zu latin cum agentur dona etiam rationes crescunt donorum, Das ist, so sich die gaben meren, sollendt sich auch billich meren dancksagung der gaben. Du schiltest aber den papsst hoch das er als ein blindenfierer mit bieberei, das gelt der massen von den leuten schind vnd schab, vnd verdieg das vnnützlich, da laß ich in vmb sorgen er ist schaffner, schafft er es dan nit wol, so sint er sein lon darumb, das schadet ob gott vñ nit.

Der betler halb das sie auch zu reformieren weren, lassent wir bei keiserlichem gesatz beleiben, de validis mendicantibus, das ist von krefftigen betleren gesezet. Aber der arbeit halb das man nit mißig gon gestatten sol, sie seien

geistlich oder weltlich, Ach got vom himmel daz es geschehe, die lantschellen kumment iez den mereren teil in die klöster das sie sich mit miesfiggon erneren, vnd nit von der selen seligkeit wegen, vnd wellent weder mit den henden noch mit vernunft arbeiten, seint wie die hummel die den arbeitamen binlin ire arbeit vnd honig fressen.

Darnach kumpstu vff den xxi. arti. die meß berierent daz stiftung der messen nit allein wenig nütz seient, sunder gottes zorn erwecken vber vns, Ich muß mein herz hie aber mit grosser bitterkeit vff brechen, vnd kurz ab teütsch mit dir reden, vnd setz vff ein ort alle priesterschaftt, doctorat, müncheit orden, gelüpt, eid, verspruch, vnd wa mit ich möcht verpflichtet sein, vnd wil allein ein frummer christ [3.] sein, so hat mich mein vatter von iugent gelernet andacht zu der messen tragen, als zu einer gedechtniß des leidens Cristi Ihesu vnseres herren, so lernen alle die in der heiligen gschrift den gemeinen christen berichten, daz die meß ein opffer sey, für lebendig vnd dodten erschüßlich, der meynnung seint alle heiligen lerer, vnser bruch von den xii. botten vff vns erwachsen. Nun lügt vnd gedendt ir oberkeiten des glaubens daz ir vns mit der warheit berichten in der sachen der messen halb, da dem christen man sein grösstes herz an ligt, dan wa daz nit geschehe, vnd würd an dem eincherley irrung erfunden, mög wol ermessen werden waz in andrem geschehen mag, Lügt vnd gedendt daz ir vch hie in der materij der messen nit sumen noch sparen, dan ir sehen das sich die nit sumen die vnseren andacht der heiligen messen widersechten, versument ir aber vch so hapt vch den schaden, das red ich für mein christlich herz, vnd von wegen meinß vätterlichen gesatz, wan es luter regnete vnd schnüet, vnd sich alle Bischöff zu dodt stillschwigent, vff das der andacht der heiligen messen erlöschete dennoch bezüg ich mich mit diser meiner hantgschrift, das ich in vetterlicher lere des andachts der messen sterben wil von dieser welt, vnd in der betrachtung des leidens Cristi Ihesu selig beger zu werden.

Ich sag vch Bischöffen vnd oberkeiten zu, ob ir schon durch vwere finger sehen wolten vnd fileicht schweigen, ob ir vwere mentel, confirmation, bestetigung, pfrien den oder der

gleichen möchten fürbaß best leidlicher vbertummen, für war, für war, vnd aber für war, entpfalt dem christen man da got vor sei, sein heilsamer andacht der heiligen messen, So ist es vmb vnere pfrienden, mentel mit den röden gethon, vnd feierobent gemacht, da wißt vch nach zů richten, dan Luter spricht das die meß niemans nützlich sei, dan allein dem der sie lißt oder höret lessen, mögent ir das leiden vnd darzů stil schweigen, so mögt ir auch kßlingstein verbedüwen, da bei verstond was ir wellent, vnd gebenden das ich vch das gesagt hab.

Das aber die alten stift vnd thüm für des abels kinder seient erstiftet worden, ob ire elter sie in der welt nit möchten versehen, darin solten gethon werden, hie redt der heilig geist nit vß dir Luter, sunder du zühest dem adel zů dem du schreipst ein lindes federlin vnder der nasen, dan du sprichst wir seient alle geistlichs stats, seint wir nun alle eines stats, warumb gipstu der edelleüt kinder die freiheit vor allen andren, du meinst filleicht das Cristus nür edelleüt in seinen höchsten thüm der .xii. hotten genummen hab, alß du wilt sein ein redner der warheit ist dir das liebkosen vbel angestanden, doch so du daz vß der heyligen geschriff nit bewereft, laß ich das für ein menschliche reden ston.

Daz auch niemans sol fil pfrienden haben daz ist ein alt gesaß, laß ich ston, des gleichen mit den brüderschafftten vnd das die bepftlichen hotten mit iren faculteten vnnnd freiheit geben vß dem land soltend veriaht werden, sittenmal du darzů kein gßchriff bruchest, vnd dich daz lassent bedunden, gib ichs den richteren zů ermeßen, dan es auch [P₁] den glauben nit betrifft.

Du begerst darnach das got des bapsts stül bald zerstör, vnd in abgrund der hellen sende, vnd gibst des vrsach Erstlich das er der war endcrift sei, zů dem andern, daz er zerstör, das got gebotten hab, zů dem dritten daz er dy tütschen ler vnbestendig, meineidig, verreter, bößwicht trüwloß sein. Zů dem fierden du sprichst das in dem kßgrißchen decretal stand, daz sein der bapst macht hab, trüw vnd glauben vff zů lösen, des lieg er in sein halß, vnd fider als ein böser sathan, als er noch nie gelogen

hat. Zu dem fünfften, das er siß zu Rom in des tüffels nest, zu dem sechsten das der päpstlich gewalt nichts anders sei, dan die selen zu verdamniß führen. Zu dem .vii. begerstu das cristus den iüngsten tag laß ynher brechen, dises alles zu einer zerstörung. Ich sihe vnd greiff das du zornig bist, darum mir gebüren wil, kaltsinnig zusein, vff das nit gesprochen werd, das wir beid vnfinnig sein, es ist zu vil mit dir. Vnd sag erstlich das du nit war redst, das der endcrist kumen sei nach dem anzogen cristi iesu vnserß herren. Zu dem andern, dem dritten, fierden vnd fünfften, all weil du nit anzögst, wa der bapst das thü, oder in welchen sachen, orten vnd enden das stand oder beschehen sei, vnd vff in bewerft, müstu das erdichtet haben, vnd mit der vnwarheit im zu gelegt, dan solt es vff erdtreich darzu kumen vnd das gestattet werden, vnd glaubt was ein ieder on alle bewerung wider den andern, vß lohet, oder speuwet, so wer niemans mer seiner eren sicher. Sie malen den heiligen geist vff dein haupt, als ob er vß dir redte, [R.^b] erst lerne ich das der heilig geist auch kan vnfinige reden thun, doch sag ich darzu, wa du war retst, da ret on zweifel der heilig geist vß dir, dan alle warheit ist von got, wa du aber nit war retst, da ret sicher der tüffel vß dir, der ein vatter ist aller lügen. Darumb riet ich man mälte dir sie beid vff dein haupt, den heiligen geist vff ein seit, vnd den tüffel vff die ander seit, vnd die stat prag in die mitten. Darzu das du in heist liegen in sein feder vnd haß das kan von den edellüten zu den du schreibst, für kein cristliche messikeit verstanden werden. Ich liß von künig Dauid, der auch ein edelman was, als sein vorfar Saul von got des künigreichs entsetzt waz, vnd er von got ein künig gesalbt, das er dannocht mit worten oder werden faul nie leßen wolt, so lang in got im ampt duldet. Also soltestu billichen so lang got den bapst in dem ampt duldet, ob er schon der bösest vff erden wer in tödlich weder mit worten oder werden der massen vnd so schentlich schmehen, wuß das mancher weiser man dir das in keinem güten empfangen hat, doch sol dir zügelassen werden in züschenden vnd an seinen eren zulehen, so erfordert die not vnd das natürlich recht die gegen wer das man in laß zu

Nach gonds hastu vil vnnützer sorgen, vnß vnd die böhemer zu vereinigen, ich möcht leiden daz es gescheh, doch nit durch deine mittel so du fürschlechst. Aber daz riet ich, wa sie wolten glauben vnd halten als alle andere cristen vff erden, deren on zal vil sein, so sein sie vnß wilkum, als herz liebe cristliche brüder, wa sie aber das nit wolten thun, wollen wir lieber vnd rechtlicher auch gödtlicher bei dem größern huffen bleiben, dan zu inen vereinigen, vnd von dem merern theil der cristenheit absündern.

Vnd vff daz ich doch ein mal zu einem end kum, laß ich die reformationes der vniuersiteten vnd schülen, beider rechten, der theologen, leren der kinder, vberfluß der tütschen nationen, von der spegerei, auch des fuchers, kauffmanschaz, zinß zukauffen, mißbruch in essen vnd trinden, oder das nit offene frauen heüser sollen sein, alles fallen als menschliche hendel vnsern glauben gar nichts betreffen, vnd wil daz den regenten besolhen haben zuregieren.

Beschluß.


Ich fer iez wider zu uch ir großmechtigen durchlüchtigen hoch vnd wol gebornen strengen eren notfesten frumen edel lüt vnserß vetterlichen tütschen lands, mit ermanung der dapfferkeit eurerer elter, vnd eerlichen [R.] namens vnd adelichen hartumens, daz ir euch die liebe, cristi vnserß herren, vnd eurerß vätterlichen gesatz durch kein mißuerstand lasen in euerm herzen erlöschen von wegen der ewigen selikeit, die wir mit uch von got erwarten nit leichtlich durch ernüwerung lasen in einen vnglauben führen, sunder als ir in krafft eurerß adelichen hartummens verpfflicht sein, vnsern glauben, versecten beschützen vnd beschirmen, das recht vnd die billicheit, in disem bundschü ermessen, doctor Luter nit in allen dingen glauben, der euch alle eurerß adelichen stats beraubt hat, vnd zu pfaffen gemacht, ansehen wollen daz der vffrüren gleich vor me geschehen sein, vnd eben in solchen articklen, ist aber alwegen der cristlich glaub für gangen, vnd sein solch nüm vnd erdichte menschliche sünd zertrent worden vnd vndergangen mit großem schaden vnd schanden, deren die solche zwitracht

erweckt hetten. Wil dabei nit verleugnet haben, daz doctor Luther in allen dingen vnrecht hab vnd die vnwarheit geret, sunder in fillen dingen nit vngeschiedt erfunden würt, allein in dem des aller höchsten geschuldiget, daz er die warheit mit der vnwarheit vnd mit gifft also böß listig vermischet hat, das ein vor dem andern nit mag noch kan von den einfaltigen cristen verstanden werden, auch dabei daz er sein edel kunst vnd vernunft, vnd die heilig geschriff mißbrucht zu einem vffrürigen vnd vnfridsamen auch vnchristlichen end durch euch als die hauptlüt vnd fürtrefflichsten die andern armen schein cristi in einen vnglauben zu verfüren. Geben dabei euern gnaden in demütiger cristlicher gehorsam vnser eigene [R.^b] vnwissenheit zu verston das on sellen in disem eilenden schreiben in dem wir dem waldwasser, vnd dem sollen rein hand wöllen entgegenen mag erfunden werden, das villsicht billich auch mag gestrafft werden, dan die vnbesonnen ehl ist diß ein müter der irrung, darum wir vnser geschriff vnderwürfflich machen nit allein der oberkeit vnser glaubens, sunder auch euern gnaden vnd einem yeden vnß bessers lernen vnd berichten kan, dan wir der hoffart gar nit sein, daz wir vnß schampten von iemans zu lernen, das wir nit wißten, oder vß schelligem zorn vnser irrung zu verlassen. Vnd darzu wa wir doctor Luter den wir für ein geleerten man halten, wa er sein kunst nit zu einem bösen end bruch für ein glori vnd eer des tütschen lande, etwas zu gelegt hetten, das nit seiner meinung wer oder seins güten verstande, wöllen wir brüderlich, und von herzen gern seiner declaration ston, vnd mit vnserm schreiben in nit weiters dan verursacht haben sich baß zu erkleren, das solche declaration bei cristlichem verstand mög bleiben, dan wir ie lieber sein (als eins tütschen) eer vnd leben fñdern wolten dan sein schand vnd tod procurieren. Es ist ie grüntlich vnser meinung, daz wir sein lang leben gern sehen, doch seine vereinigung, so mit bestlicher heilikeit und gemeiner cristen begeren, raten vnd bitten durch dy götliche einikeit vnd frieden des cristlichen glaubens. Wa er aber ie vnsern brüderlichen gunst verachtet, sich gegen vnß sperret, wöllen wir billich von im leiden vnd gern, das er in cristlicher messikeit vnd in gleichem schreiben vnd sal vnß ent-

gegne nach allem seinem [R₄] gefallen, da mit vnserer repliden erwarten sein vnd gegen red, das euwere gnaden vß solcher red vnd widerred die warheit ermesß, ergründ vnd des vßspruchs erwart, got geb von wem der geschehe der sein gewalt hat. Würd aber ie doctor Luther gegen vnß als er pflegt seinen zornigen kopff vnder ston zu bruchen, vnd vnß geweltlich wörtlin, mag euwer gnad erkennen das billicheit erfordre im nach gelegenheit zu entgegnen, es ist doch noch ondas vmb den ersten wurff zuthun, vnd ligt die kugel noch nit an irem rechten ort. Das sich aber dieses büchlinß niemans zubeclagen hab, als eins schmachbüchlinß on ein namen geschriben. Ist dem gnedigen fürsten vnd herren einem bischoff von Straßburg der nam des makers vnd sein person bekant. In zu eröffnen wa es sein gnad noturfftig erkent .xc.


Censores.

Getruet von Johanne Grieninger in dem iar
Tausent CCCC. Vnd xx. Vff den Cristabent mit Keiser-
lichem Priuilegium, in einem iar niemans nachtrucken sol .xc.




An den Groß/
mechtigsten vñ

Durchlächtigste adel rüch
scher nation Das sye den
christlichen glauben bet
schirmen / wyder den
zerstörer des glaubens
christi / Martinū
luther einē bfe
rer der einfel
rige christe.



An den Groß/
mechtigsten vñ
Durchlächtigste adel eüer
seher nation Das sye den
chrißlichen glauben bes
chirmen / wyder den
zerstörer des glaubens
chrißli/ Martinū
luther einē bfe
rer der einfel
rige chriße.



An den Groß/
mechtigsten vñ

Durchlächtigste adel rür/
scher nation das sye den
christlichen glauben bes
schirmen / wyder den
zerstörer des glaubens
Christi/ Martinū
luther einē vñ
rer der einfel
rige christē.

Von dē teutſchen adel

Dem aller durchlūchtigſten

Großmechtigſten fürſten/vñ herren/Herz Ka
rolo, erweltem rōmiſchen keiſer/ Hispani
ſcher vnd ꝛ. maiſtade ꝛ.



Archlūchtiger groſſe
hriger fürſt vnd her/Es iſt von vſprung
des rōmiſchen reichs/Des du ſieg durch gotes
fürſichtigkeit ein friſſamer keiſer/vñ gebie
ter erwelet vnd geſalbet biſt / ſolches dein reich von of
fenlichē findē nie ſchadlicher angefochten worden / dar
ſieg zu diſen zeiten. Syttenmal dz Catilina (ich mein
Doctor Martinū luther) iſt vñ den todten erwecket wid
zu menſchlichem leben künmen / vnd dar die aller ed
liſten gemiet dein o reichs zu burgerlichen vfftrien vnd
nidergang ihres eignen vatterlands erwecken/ den vater
ter wyder ſeine kind/brüder gegen beſideren/ vnderthor
nen zu gegen ſer/oberteit / alle ding der maſſen zu ver
wicklen vnd vermischen/ das weder bapſt/ keiſer/ künig/
biſchoff/ bader/ oder ſüwſter nit mer ſollent vnderſche
det werden / ein vngewone ſach allenthalben / wo güte
ſitten/ berden/ zucht/ ere/ oednung/ frie/ frieß/ vñ mü
auch alles wolſarē ſollent geiebet vñ gehalten werde. Da
vff dz ſolches deſt ſchēdlicher vñ ſtandē werd/ wirt vn
ſer chriſtlicher glaub für ein deckmārel fürgewendet/ al
ob ſich ſolche vfftr/ ernüwertig/ vñ vñding/ in kref
chriſtliche glaubes gebürē welle zu thun vñ vñſon/ de